

ORIENTACIÓN ACADÉMICA E PROFESIONAL

3º ESO

IES CANIDO

2023-24

ÍNDICE

1. PROMOCIÓN E TITULACIÓN EN ESO.....	1
2. O SISTEMA EDUCATIVO.....	3
3. MATERIAS E ITINERARIOS EN 4º ESO:.....	4
4. AS OPCIONS DESPOIS DE 4º DE ESO:.....	5
5. O BACHARELATO.....	8
6. OS ESTUDIOS UNIVERSITARIOS (http://ciug.gal/).....	18
7. CICLOS DE FORMACIÓN PROFESIONAL.....	25
A Formación Profesional estrutúrase en Ciclos Formativos de Grao Medio e Superior.....	25
7.2. REQUISITOS DE ACCESO AOS CICLOS DE FORMACIÓN PROFESIONAL.....	26
7.3. CRITERIOS DE ADMISIÓN NOS CICLOS DE GRAO MEDIO NO RÉXIME ORDINARIO.....	29
7.4. DATAS DE SOLICITUDE DE CICLOS DE FP.....	30
7.5. PROBAS DE ACCESO A CICLOS DE GRAO MEDIO.....	32
7.6. ACCESO AOS CICLOS DE GRAO SUPERIOR.....	33
7.7. OFERTA DE FORMACIÓN PROFESIONAL DE GRAO MEDIO E GRAO SUPERIOR (RÉXIME ORDINARIO e ADULTOS-DUAL):.....	36
8. ENSINANZAS DE RÉXIME ESPECIAL: (https://www.edu.xunta.gal/portal/taxonomy/term/109).....	45
8.1. QUE SON?.....	45
8.2. QUE ESTUDOS COMPRENDE?.....	45
8.3. ENSINANZAS DE MÚSICA:.....	45
8.4. ENSINANZAS DE DANZA.....	46
8.5. ARTE DRAMÁTICA:.....	47
8.6. AS ENSINANZAS PROFESIONAIS DE ARTES PLÁSTICAS E DESEÑO.....	48
8.7. ESTUDOS SUPERIORES DE ARTES PLÁSTICAS E DESEÑO:.....	51
8.8. ENSINANZAS DE IDIOMAS:.....	52
8.9. ENSINANZAS TÉCNICO-DEPORTIVAS:.....	54
9. ENSINANZAS PARA PERSOAS ADULTAS.....	56
9.2. A EDUCACIÓN SECUNDARIA DE ADULTOS (ESA).....	57
9.3. O BACHARELATO PARA PERSOAS ADULTAS.....	59
9.4. AULAS MENTOR.....	60
9.5. AS ENSINANZAS DE ADULTOS NA MODALIDADE SEMIPRESENCIAL E A DISTANCIA.....	61
9.6. OFERTA DE ENSINANZAS DE ADULTOS NA ZONA DE FERROL.....	61

9.7. PRBAS LIBRES PARA A OBTENCIÓN DO TÍTULO DE EDUCACIÓN SECUNDARIA.....	62
10. PRAZOS XERAIS DE INSCRICIÓN E MATRÍCULA.....	64
10.1. PRBAS DE ACCESO A CICLOS MEDIOS.....	64
10.2. BACHARELATO.....	64
10.3. CICLOS DE FORMACIÓN PROFESIONAL ESPECÍFICA.....	64
10.4. FORMACIÓN PROFESIONAL BÁSICA.....	64
10.5. ESA PRESENCIAL.....	64
10.6. ESA A DISTANCIA.....	65
11. PÁXINAS DE INFORMACIÓN E BIBLIOGRAFÍA.....	66

1. PROMOCIÓN E TITULACIÓN EN ESO

Criterios de titulación e promoción:

Para obter o título de Graduado en ESO aplicaranse os seguintes criterios:

- Os alumnos e alumnas titularán cando superen todas as materias cursadas ou cumpran as seguintes condicións: Que a media aritmética das cualificacións dese curso sexa igual ou superior a cinco e que adquirise as competencias e os obxectivos da ESO
- As materias coa mesma denominación en diferentes cursos da ESO consideraranse como materias distintas.
- O título de Graduado en Educación Secundaria Obrigatoria será único e non levará cualificación. Todos os alumnos e alumnas recibirán, ao concluír a súa escolarización na Educación Secundaria Obrigatoria, unha certificación oficial na que constará o número de anos cursados e o nivel de adquisición das competencias da etapa. Con esta certificación, e segundo determine a Administración educativa poderá obter validación dalgunha parte da proba de acceso a ciclos de grao medio ou das probas de obtención do título de graduado en ESO.
- O título de Graduado en ESO permitirá acceder ao bacharelato, á formación profesional de grao medio e, superando, no seu caso, la proba correspondente, aos ciclos de grao medio de artes plásticas e deseño e as ensinanzas deportivas de grao medio. Tamén permitirá o acceso ao mundo laboral.
- As persoas que superasen a totalidade dos módulos dun ciclo de Formación Profesional Básica, obterán o título de Graduado en Educación Secundaria Obrigatoria.

A promoción na ESO realizarase do seguinte xeito:


- Promocionará dun curso a outro o alumnado que superase todas as materias ou ámbitos cursados ou teña avaliación negativa nunha ou dúas materias (computan tamén as materias non superadas de cursos anteriores).
- Excepcionalmente os que teñan avaliación negativa en máis de dúas materias pero cumpra os seguintes requisitos: Que a media aritmética das cualificacións das materias dese curso sexa igual ou superior a cinco e que o equipo docente considere que pode seguir con éxito o curso seguinte, que ten expectativas favorables de recuperación e que a promoción beneficiará a súa evolución académica.
- Poderase repetir mesmo curso unha sola vez e dúas veces como máximo ao longo do ensino obrigatorio. De forma excepcional, poderase permanecer un ano máis en 4º, aínda que se esgotase o máximo de permanencia. Neste caso pode prolongarse un ano o límite de idade (ata os 19 anos). Unha vez superado o límite de idade, e tendo en conta esta prolongación excepcional, as persoas que non teñan o título, poderán acadalo nos dous cursos seguintes a través da realización

de probas ou actividades personalizadas extraordinarias das materias que non teñan superadas.

Consello orientador:

Ao final 2º de ESO entregarase aos pais, nais ou titores legais de cada alumno/a un consello orientador, que incluíra unha proposta do itinerario máis adecuado a seguir, así como a identificación, mediante un informe, do grao do logro dos obxectivos da etapa e da adquisicións das competencias correspondentes que xustifica dita proposta. Ao rematar a etapa ou concluír a súa escolarización, todo o alumnado recibirá un consello orientadora individualizado que incluíra unha proposta sobre a opción ou opcións académicas, formativas ou profesionais que se consideran máis adecuadas para o seu futuro formativo.

2. O SISTEMA EDUCATIVO



3. MATERIAS E ITINERARIOS EN 4º ESO:

MATERIAS COMÚNS:

- Educación física.
- Lingua e literatura castelá.
- Lingua e literatura galega.
- Lingua estranxeira (inglés).
- Matemáticas (escoller A ou B).
- Xeografía e historia.

ESCOLLER TRES MATERIAS DE OPCIÓN ENTRE AS SEGUINTES:

- Bioloxía e xeoloxía.
- Dixitalización.
- Economía e emprendemento.
- Expresión artística.
- Física e química.
- Formación e orientación persoal e profesional.
- Latín.
- Música.
- Segunda lingua estranxeira (francés).
- Tecnoloxía.

ESCOLLER UNHA MATERIA OPTATIVA:

- Cultura clásica (se non foi cursada en 3º).
- Filosofía.
- Oratoria (se non foi cursada en 3º).
- Unha materia de opción das enumeradas anteriormente (se non foi cursada).

OS ITINERARIOS DE 4º ESO NO IES CANIDO:


1) Lingua galega e literatura (3 h)	2) Lingua castelá e literatura (3 h)
3) Inglés (3h)	4) Xeografía e historia (3 h)
5) Matemáticas B (4 h) <input type="checkbox"/> B (Orientadas a bacharelatos de ciencias e CCSS) <input type="checkbox"/> A (Orientadas a bacharelato humanidades e ciclos)	6) Educación física (2 h)
	7) Tutoría (1 h)

ELIXIR UNHA

<input type="checkbox"/> Proxecto competencial (1h)	<input type="checkbox"/> Relixión (1h)
---	--

Itinerario 1	Itinerario 2
MATERIAS OPCIÓN - 3 h/materia <input type="checkbox"/> Bioloxía e xeoloxía / Física e química	MATERIAS OPCIÓN - 3 h/materia <input type="checkbox"/> Economía / Latín
MATERIAS OPCIÓN (Escoller 1 ou 2)	
<input type="checkbox"/> Dixitalización <input type="checkbox"/> Expresión artística <input type="checkbox"/> Francés <input type="checkbox"/> Música <input type="checkbox"/> Tecnoloxía	
MATERIAS OPTATIVAS 3 h/materia (Escoller 1 optativa se só se escolleu unha materia no bloque anterior)	
<input type="checkbox"/> Oratoria (se non foi cursada en 3º) <input type="checkbox"/> Cultura Clásica (se non foi cursada en 3º) <input type="checkbox"/> Filosofía	

4. AS OPCIÓNS DESPOIS DE 4º DE ESO:



... E DESPOIS DA ESO QUE?

Se tes o título de graduado en ESO:

- Bacharelato:
 - Ciencias e tecnoloxía
 - Humanidades e Ciencias Sociais
 - Artes
 - Xeral
- A Formación Profesional Específica (Ciclos de Grao Medio)
- As Ensinanzas de Réxime Especial:
 - Música/ Danza
 - Artes Plásticas e Deseño (Ciclos de Grao Medio)
 - Idiomas
 - Ensinanzas deportivas (Adestrador deportivo)

Se non tes o título de graduado en ESO:

- Ciclos de Formación Profesional Básica
- Ensinanzas de Adultos (ESA)
- Proba libre para acadar o título da ESO
- Acceder aos ciclos formativos de FP de Grao Medio, mediante proba e con 17 anos cumpridos no ano en que se celebran as probas.

Outras alternativas:

- A Formación ocupacional.
- A Formación non regrada.

5. O BACHARELATO

É a última etapa da Educación Secundaria, non é obrigatoria e a súa duración é de dous cursos, normalmente entre os 16 e os 18 anos.

Que finalidades ten?

- Proporcionar ao alumnado formación, madurez intelectual e humana, coñecementos e habilidades que lles permitan desenvolver funcións sociais e incorporarse á vida activa con responsabilidade e competencia.
- Acceder a estudos superiores: Universidade e Formación Profesional.

Como se accede?

- Co título da ESO.
- Co título de Técnico de Artes Plásticas e Deseño e co título de Técnico Deportivo.
- Co título de Formación Profesional de Grao Medio.

Como está organizado?

- Dura 2 cursos académicos.
- Pódese **repetir** un máximo de dúas veces na etapa, un curso cada vez, e excepcionalmente un curso dúas veces (previo informe favorable do equipo docente). Poderás permanecer escolarizado/a durante catro cursos académicos. A nova lei permite a posibilidade de ofertar un bacharelato en tres anos baixo certas circunstancias.
- Repetirán 1º curso os/as alumnos/as que teñan **avaliación negativa en máis de dúas materias**. En 2º deberán matricularse tamén das materias pendentes de 1º. Se ao rematar 2º suspendes algunha/s materia/s poderás matricularte delas sen necesidade de cursar de novo as materias superadas, ou podes optar por matricularte de todas as materias de 2º para mellorar as túas cualificacións.
- Para a **promoción** só se computarán as materias que como mínimo o alumno ou alumna debe cursar en cada un dos bloques.
- No Bacharelato hai **probos extraordinarios** das materias nas que non se obtivo cualificación positiva.
- **Para acadar o título hai que ter superadas todas as materias** . Excepcionalmente pódese acadar o título superando todas as materias agás unha cando non haxa unha falta de asistencia continuada e inxustificada, cando o equipo docente considere que foron alcanzados os obxectivos e competencias vinculados ao título, cando foran realizadas todas as probas e actividades necesarias para a avaliación e que a media aritmética das cualificacións obtidas en todas as materias sexa igual ou superior a 5.

- Hai varias **modalidades** e dentro de cada unha hai varias opcións e itinerarios. Na modalidade que escollas cursarás **materias** comúns e optativas.

Os períodos lectivos no bacharelato serán de 32 horas semanais.

Cambio de modalidade:

En determinadas condicións pódese cambiar de modalidade ou de itinerario en 2º curso. Estarías obrigado/a a cursar as materias troncais de 1º curso, ademais das de 2º.

Que son os itinerarios?

As ensinanzas de Bacharelato permítenche cursar estes estudos en función das túas preferencias: escoller unha modalidade entre catro previstas, unhas materias troncais dentro de cada modalidade e unhas materias específicas.

Estas sucesivas eleccións configuran **o teu itinerario persoal**. É necesario pois, que teñas unha idea clara do que queres estudar despois para poder deseñar o itinerario máis acorde coas túas preferencias e necesidades.

Que tipo de modalidades e materias terás que estudar?

MODALIDADES BACHARELATO
<p>* Artes:</p> <ul style="list-style-type: none"> - Artes Plásticas, Imaxe e deseño - Música e Artes Escénicas <p>* Ciencias e Tecnoloxía</p> <p>* Xeral</p> <p>* Humanidades e Ciencias Sociais</p>
MATERIAS COMÚNS
<p>1º BACHARELATO:</p> <ul style="list-style-type: none"> - Educación física - Filosofía - Lingua castelá e literatura I - Lingua galega e literatura I - Lingua estranxeira I
<p>2º BACHARELATO:</p> <ul style="list-style-type: none"> - Historia de España - Historia da filosofía - Lingua castelá e literatura II - Lingua galega e literatura II - Lingua estranxeira II

MATERIAS PROPIAS DA MODALIDADE DE ARTES: MÚSICA E ARTES ESCÉNICAS
<p>1º BACHARELATO:</p> <ul style="list-style-type: none"> - Escoller unha materia entre: <ul style="list-style-type: none"> a) Análise musical I b) Artes Escénicas I - Escoller dúas materias entre: <ul style="list-style-type: none"> a) Coro e técnica vocal I b) Cultura audiovisual c) Linguaxe e práctica musical d) Análise musical I e) Artes escénicas I
<p>2º BACHARELATO:</p> <ul style="list-style-type: none"> - Escoller unha materia entre: <ul style="list-style-type: none"> a) Análise musical II b) Artes Escénicas II - Escoller dúas materias entre: <ul style="list-style-type: none"> a) Coro e técnica vocal II b) Historia da música e da danza c) Literatura dramática d) Análise musical II e) Artes escénicas II

MATERIAS PROPIAS DA MODALIDADE ARTES: ARTES PLÁSTICAS IMAXE E DESEÑO
<p>1º BACHARELATO:</p> <ul style="list-style-type: none"> - Debuxo artístico I - Dúas materias a escoller entre: <ul style="list-style-type: none"> a) Cultura audiovisual. b) Debuxo técnico aplicado ás artes plásticas e ao deseño I. c) Proxectos artísticos d) Volumen
<p>2º BACHARELATO:</p> <ul style="list-style-type: none"> - Debuxo artístico II - Dúas materias a escoller entre: <ul style="list-style-type: none"> a) Debuxo técnico aplicado ás artes plásticas e ao deseño II b) Deseño c) Fundamentos artísticos d) Técnicas de expresión gráfico-plástica

MATERIAS PROPIAS DA MODALIDADE DE CIENCIAS E TECNOLOXÍA
<p>- Matemáticas I - Dúas materias a escoller entre as seguintes: a) Bioloxía, xeoloxía e ciencias ambientais b) Debuxo técnico I c) Física e química d) Tecnoloxía e enxeñería I</p>
<p>- Matemáticas II ou Matemáticas aplicadas ás ciencias sociais II - Dúas materias a escoller entre as seguintes: a) Bioloxía b) Debuxo técnico II c) Física d) Xeoloxía e ciencias ambientais e) Química d) Tecnoloxía e enxeñería II</p>

MATERIAS PROPIAS DA MODALIDADE DE HUMANIDADES E CIENCIAS SOCIAIS
<p>1º BACHARELATO - Escoller unha entre: a) Latín I b) Matemáticas aplicadas ás ciencias sociais I - Escoller dúas entre: a) Economía b) Grego c) Historia do mundo contemporáneo d) Latín I e) Literatura universal f) Matemáticas aplicadas ás ciencias sociais I</p>
<p>2º BACHARELATO: - Escoller unha entre: a) Latín II b) Matemáticas aplicadas ás ciencias sociais II - Escoller dúas entre: a) Empresa e deseño de modelos de negocio b) Xeografía c) Grego II d) Historia da arte e) Latín II f) Matemáticas aplicadas ás ciencias sociais II</p>

MATERIAS PROPIAS DA MODALIDADE XERAL**1º BACHARELATO:****- Matemáticas xerais**

- Escoller dúas materias entre todas as materias de modalidade de primeiro curso que oferta o centro, entre elas obrigatoriamente ofertarase:

- a) Economía, Emprendemento e Actividade Empresarial

2º BACHARELATO:**- Ciencias xerais**

- Escoller dúas materias entre todas as materias de modalidade de primeiro curso que oferta o centro, entre elas obrigatoriamente ofertarase:

- a) Movementos culturais e artísticos

OPTATIVAS PARA TODAS AS MODALIDADES**1º BACHARELATO****- Escoller unha entre:**

- a) Anatomía aplicada
- b) Antropoloxía
- c) Cultura científica
- d) Segunda lingua estranxeira I
- e) Literatura galega do século XX e da actualidade
- f) Tecnoloxías da Información e a Comunicación I
- g) Tecnoloxías intelixentes
- h) As materias de modalidade de primeiro curso

2º BACHARELATO:

- a) Métodos estatísticos e numéricos
- b) Psicoloxía
- c) Segunda lingua estranxeira II
- d) Tecnoloxías da información e da comunicación II
- e) Xeografía, historia, arte e patrimonio de Galicia
- f) As materias de modalidade de segundo

ORGANIZACIÓN DO BACHARELATO EN TRES ANOS ACADÉMICOS

- É unha medida excepcional. Poden acollerse a esta medida quenes se atopen nalgunha das seguintes circunstancias:

- a) Cursan simultaneamente ensinanzas profesionais de música ou de danza.
- b) Deportistas de alto nivel ou alto rendemento.
- c) Presentan necesidades específicas de apoio educativo

*Nota: As materias de idéntica denominación nos dous cursos (por exemplo Lingua Galega e Literatura I, Lingua Castelá e Literatura I, Matemáticas I...), son materias de aprendizaxe progresiva, é dicir, deberás superar a materia de 1º para poder ser avaliado/a da materia de 2º (ver cadro). En caso de non ter cursada a de 1º, poderás matricularte da materia de 2º sempre que o profesorado que a imparta considere que reúnes as condicións necesarias para aproveitar a materia de 2º. Senón o normal é matricularse das dúas, e a de 1º tería consideración de pendente sen afectar á promoción a segundo curso.

A que dá acceso o título de Bacharelato?

Co título de Bacharel podes acceder ao maior número de saídas profesionais:

- Estudos Universitarios: Títulos de Grao, previa superación da ABAU.
- Ciclos Formativos de Grao Superior de calquera Familia Profesional.
- Estudos Superiores de Ensinanzas de Réxime Especial.
- Outros estudos: Piloto Civil, Estudos Militares Superiores, Forzas de Corpos de Seguridade, Centro Superior de Hostalería de Santiago e outras titulacións propias das universidades.

Os diferentes estudos están relacionados con cada modalidade e materias do Bacharelato, de xeito que en función do Bacharelato escollido terás máis fácil acceso a uns Graos Universitarios e Ciclos Superiores de formación profesional determinados.

Se estudas un bacharelato e unhas materias relacionadas cos estudos posteriores que vas cursar, terás moitas máis posibilidades de rematar con éxito eses estudos.

No teu centro IES Canido as materias ofertadas en BAC son as seguintes:

NOTA IMPORTANTE: A modo orientativo amósanse os itinerarios ofertados para o curso actual. Haberá que estar pendentes xa que, especialmente nos cursos pares, haberá algunhas modificacións de cara ao próximo curso.

A OFERTA NO IES CANIDO EN 1º BAC

1) Lingua galega e literatura I (3 h)	2) Filosofía (3 h)	3) Inglés (3h)
4) Lingua castelá e literatura I (3 h)	5) Educación física (3 h)	
6) Materia libre configuración (1h) <input type="checkbox"/> Historia <input type="checkbox"/> Inglés <input type="checkbox"/> Matem. I <input type="checkbox"/> M.Aplicadas I		<input type="checkbox"/> Relixión (1h)

OPTATIVAS TRONCAIS 4 h/materia (Escoller una e numerar por orde de preferencia)*

<input type="checkbox"/> Ciencias e Tecnoloxía	<input type="checkbox"/> Ciencias sociais	<input type="checkbox"/> Humanidades
Física e química (4 h)	Historia do mundo cont.	Historia do mundo cont.
Matemáticas (4 h)	Matemáticas aplic.ás CCSS	Latín I
<input type="checkbox"/> Bioloxía, xeoloxía e ciencias amb.	<input type="checkbox"/> Economía	<input type="checkbox"/> Economía
<input type="checkbox"/> Debuxo técnico I	<input type="checkbox"/> Literatura universal	<input type="checkbox"/> Grego I
<input type="checkbox"/> Tecnoloxía e enxeñería		<input type="checkbox"/> Literatura universal

OPTATIVAS (4 h) (Numerar por orde de preferencia)*

<input type="checkbox"/> Op. troncal non escollida _____	<input type="checkbox"/> Anatomía aplicada	<input type="checkbox"/> Francés I
<input type="checkbox"/> Literatura galega s. XX e a actualidade	<input type="checkbox"/> Cultura científica	<input type="checkbox"/> Antropoloxía
<input type="checkbox"/> Tecnoloxía información e comunicación	<input type="checkbox"/> L.P. Musical	

A OFERTA NO IES CANIDO EN 2º BAC

MATERIAS COMÚNS 3 h/materia			
1) Hist. de España, 2) Hist. da filosofía, 3) Inglés II, 4) Ling. castelá e lit. II, 5) Ling. galega e lit. II			
MATERIAS DE OPCIÓN 4 h/materia			
Ciencias e Tecnoloxía		Ciencias sociais	
<input type="checkbox"/> Matemáticas II <input type="checkbox"/> M. ap ás CCSS II		C.C. S.S.	Humanidades
		<input type="checkbox"/> M. ap ás CCSS II	<input type="checkbox"/> Latín II
MATERIA DE MODALIDADE DE OPCIÓN (4 h) Escoller dúas e numerar por orde de preferencia*			
Itinerario I	Itinerario II	<input type="checkbox"/> Empresa e deseño de modelos de negocio	<input type="checkbox"/> Empresa e deseño de modelos de negocio
<input type="checkbox"/> Bioloxía	<input type="checkbox"/> Deb. Tco. II	<input type="checkbox"/> Historia da arte	<input type="checkbox"/> Grego II
<input type="checkbox"/> Química	<input type="checkbox"/> Física	<input type="checkbox"/> Xeografía	<input type="checkbox"/> Historia da arte
<input type="checkbox"/> Xeoloxía e C.C. A.A.	<input type="checkbox"/> Química		<input type="checkbox"/> Xeografía
	<input type="checkbox"/> Tec. e enx. II		
OPTATIVAS (4 h) Escoller 1 e numerar por orde de preferencia*			
<input type="checkbox"/> Materia de modalidade de calquera opción non escollida _____			
<input type="checkbox"/> Francés II	<input type="checkbox"/> Francés II	<input type="checkbox"/> Francés II	
<input type="checkbox"/> Métodos estatísticos e numéricos	<input type="checkbox"/> Mét est. e numéricos	<input type="checkbox"/> Psicoloxía	
<input type="checkbox"/> TIC II	<input type="checkbox"/> TIC II	<input type="checkbox"/> X, h., arte e p. de G	
	<input type="checkbox"/> Psicoloxía		
	<input type="checkbox"/> X. ,h., arte e p. de G.		
MATERIA LIBRE DISPOSICIÓN (1 h) Escoller 1 e numerar por orde de preferencia*			
<input type="checkbox"/> Relixión <input type="checkbox"/> Ref. Inglés II <input type="checkbox"/> Ref. Matemáticas II <input type="checkbox"/> Ref. MAP (II) <input type="checkbox"/> R. Historia Esp			

*A normativa establece que a elección de materias estará limitada cando non haxa un número suficiente alumnado. Polo tanto, é **obligatorio** que o interesado estableza unha orde de preferencia **numerando as materias a escoller**.

Que é a ABAU?

ABAU significa Proba de Avaliación do Bacharelato para o Acceso á Universidade.

É unha proba de acceso á universidade que realizan os alumnos e alumnas ao rematar 2º de Bacharelato.

Esta proba ten como obxectivo valorar a madurez, as destrezas básicas e coñecementos disciplinares concretos, que debe acadar o estudante ao finalizar o bacharelato para seguiren con éxito as ensinanzas universitarias oficiais de Grao.

A ABAU estrutúrase en dúas partes denominadas respectivamente Parte Obrigatoria e Parte Voluntaria.

A **Parte Obrigatoria** (que hai que superar como mínimo para o acceso á universidade), consta de cinco exames das seguintes materias:

Constará de cinco exercicios:

1. [Lingua castelá e literatura II](#)
2. [Lingua galega e literatura II](#)
3. [Historia de España ou Historia da Filosofía \(a elixir\).](#)
4. [Primeira Lingua Estranxeira II: Alemán, Francés, Inglés, Italiano ou Portugués](#) (exame da 1ª lingua estranxeira cursada en 2º de bacharelato).
5. Materia Xeral de modalidade de 2º de bacharelato cursada (a elixir cando hai dúas opcións):

Ciencias e Tecnoloxía: [Matemáticas II](#) ou [Matemáticas Aplicadas II](#)

Humanidades e Ciencias Sociais: [Latín II](#) ou [Matemáticas Aplicadas II](#)

Artes Plásticas, Imaxe e Deseño: [Debuxo Artístico II](#)

Música e Artes Escénicas: [Análise Musical II](#) ou [Artes Escénicas II](#)

Bacharelato Xeral: [Ciencias Xerais](#)

A **cualificación** da Parte Obrigatoria será a media aritmética das cualificacións de todos os exercicios. Considerarase **superada a proba de ABAU** cando o estudante obtivese unha nota igual ou superior a 5 puntos como resultado da media ponderada entre o 60% da nota media do bacharelato e o 40% da cualificación da Parte Obrigatoria, e sempre que obtivese un mínimo de 4 puntos na cualificación da Parte Obrigatoria.

O acceso á universidade, tanto pública como privada, para cursar estudos universitarios oficiais de Grao requirirá a superación da Parte Obrigatoria da proba de ABAU.

A **Parte Voluntaria** serve para mellorar a nota media de acceso á universidade (que se obtivo ao facer a media entre a Parte Obrigatoria e o Bacharelato). Cada estudante poderá examinarse dun **máximo de 4 materias** escollidas entre as materias do bloque das materias troncais de opción de 2º de bacharelato e tamén entre as materias xerais


troncais de modalidade distintas daquela da que se examinen na Parte Obrigatoria da proba. Así mesmo, poderán examinarse dunha da **Segunda** Lingua Estranxeira II (Alemán, Francés, Inglés, Italiano ou Portugués).

Na Parte Voluntaria debes **examinarte das materias** que se corresponden, en xeral, coa rama de coñecemento onde se inscribe a titulación que che interesa, e concretamente, que **ponderan** o seu valor (multiplicando por 0'1 ou 0'2) para o grao ou graos aos que desexas acceder.

Dentro de cada rama universitaria, cada universidade poderá sinalar as **materias concretas que considera prioritarias para un determinado título**. Así que se xa sabes que titulación queres estudar, o mellor é que consultes as táboas de ponderación que publican as universidades e onde se informa do valor ponderado que se lle concede ás materias concretas de bacharelato que son obxecto de exame na Parte Voluntaria.

<http://ciug.gal/>

ASÍ SE CALCULA A NOTA DE ADMISIÓN NOS GRAOS UNIVERSITARIOS:



6. OS ESTUDIOS UNIVERSITARIOS (<http://ciug.gal/>)

Os títulos universitarios divídense en títulos de :

GRAO: Obtense o título de graduado.

POSGRAO:

- **MASTER:** Despois de ter superado un grao universitario pódese cursar un máster que permite unha formación especializada e máis avanzada. Acádase o título de Master.
- **DOUTORAMENTO:** Despois de ter superado un grao e un máster, pódese facer o doutoramento, que permite unha formación avanzada en técnicas de investigación. Acádase o título de doutor.



Fuente: Ministerio de Educación, Cultura y Deporte.

Todos estes títulos están organizados en **5 ramas de coñecemento**, que coinciden, máis ou menos, coas modalidades de bacharelato. A cada rama de coñecemento pertencen os diferentes títulos de grao que se ofertan nas diferentes universidades:

- **Ciencias sociais e xurídicas.**
- **Artes e humanidades.**
- **Ciencias da saúde.**
- **Ciencias.**
- **Enxeñería e arquitectura.**

Se xa tes claro o grao/graos aos que desexas acceder, xa podes escoller as materias de bacharelato máis adecuadas. Podes pedir consello no Departamento de Orientación se tes dúbidas.

Títulos de grao:

Podes ver unha recompilación representativa da oferta de títulos de todas as universidades galegas e a súa relación coas ramas de coñecemento universitario:

CIENCIAS	Biología Biotecnología Bioquímica Ciencias Ambientais Ciencias do Mar Ciencia e Tecnoloxía dos Alimentos Física Matemáticas Nanociencia e Nanotecnoloxía Química
-----------------	---

CIENCIAS DA SAÚDE	Enfermería Farmacia Fisioterapia Logopedia Medicina Nutrición Humana e Dietética Odontoloxía Óptica e Optometría Podoloxía Psicoloxía Terapia ocupacional Veterinaria
----------------------------------	--

ARTES E HUMANIDADES	Belas Artes
	Deseño
	Filoloxía Aplicada Galega e Española
	Español: Estudos Lingüísticos e Literarios
	Filoloxía Clásica
	Filosofía
	Galego e Portugués: Estudos Lingüísticos e Literarios
	Historia
	Historia da Arte
	Inglés: Estudos Lingüísticos e Literarios
	Lingua e Literatura Españolas
	Lingua e Literatura Galegas
	Lingua e Literatura Inglesas
	Linguas e Literaturas Modernas
	Linguas Estranxeiras
	Tradución e Interpretación
	Xeografía e Historia
	Xestión Cultural

ENXEÑARÍA E ARQUITECTURA	Arquitectura Técnica Ciencia e Enxeñaría de Datos Enxeñaría Aeroespacial Enxeñaría Agraria Enxeñaría Agrícola e Agroalimentaria Enxeñaría Biomédica Enxeñaría Civil Enxeñaría da Automoción con mención dual Enxeñaría da Enerxía Enxeñaría de Obras Públicas Enxeñaría de Procesos Químicos Industriais Enxeñaría de Tecnoloxías de Telecomunicación Enxeñaría dos Recursos Mineiros e Enerxéticos Enxeñaría Eléctrica Enxeñaría Electrónica Industrial e Automática Enxeñaría en Deseño Industrial e Desenvolvemento do Produto Enxeñaría en Organización Industrial Enxeñaría en Química Industrial Enxeñaría en Tecnoloxías Industriais Enxeñaría Forestal Enxeñaría Forestal e do Medio Natural Enxeñaría Informática Enxeñaría Mecánica Enxeñaría Naval e Oceánica Enxeñaría Química Estudos de Arquitectura Intelixencia Artificial Máquinas Navais Náutica e Transporte Marítimo Paisaxe Robótica Tecnoloxía da Enxeñaría Civil
-------------------------------------	--

CIENCIAS SOCIAIS E XURÍDICAS	Administración e Dirección de Empresas
	Ciencias da Actividade Física e do Deporte (Proba específica de acceso)
	Ciencia Política e da Administración
	Ciencias Empresariais
	Comercio
	Comunicación Audiovisual
	Creación Dixital, Animación e Videoxogos
	Criminoloxía
	Dereito
	Dirección e Xestión Pública
	Economía
	Educación Infantil
	Educación Primaria
	Educación Social
	Empresa e Tecnoloxía
	Mestre Educación Infantil
	Mestre Educación Primaria
	Pedagogía
	Publicidade e Relacións Públicas
	Relacións Internacionais
	Relacións Laborais e Recursos Humanos
	Socioloxía
	Traballo Social
	Turismo
	Xeografía e Ordenación do Territorio
	Xestión de Empresas Hoteleiras
	Xestión Dixital da Información e Documentación
	Xestión industrial da Moda (bilingüe)
	Xornalismo

En Galicia, para o acceso ao grao de Ciencias da Actividade Física e do Deporte, precisarase da superación dunhas probas específicas de acceso, para o cal te debes informar na WEB das propias universidades que o imparten (A Coruña e Vigo).

OFERTA DE DOBRES GRAOS

<p>Administración e Dirección de Empresas e Dereito</p> <p>Turismo e Xeografía e Historia</p> <p>Administración e Dirección de Empresas e Enxeñaría Informática</p> <p>PCEO Enxeñaría Biomédica e Enxeñaría Electrónica, Industrial e Automática</p> <p>PCEO Enxeñaría Biomédica e Enxeñaría Mecánica</p> <p>PCEO Enxeñaría Mecánica e Enxeñaría en Electrónica, Industrial e Automática</p> <p>Comunicación Audiovisual e Xornalismo</p> <p>Dereito e Relacións Laborais</p> <p>Informática e Matemáticas</p> <p>Matemáticas e Física</p> <p>Química e Bioloxía</p> <p>Química e Física</p> <p>Farmacía e Óptica e Optometría</p> <p>Mestre en Educación Infantil e Mestre en Educación Primaria</p> <p>Enxeñaría Agrícola e Agroalimentación e Enxeñaría Forestal</p> <p>Grao aberto 5USC Enxeñarías pola USC</p> <p>Ciencias Empresariais e Turismo</p> <p>Español- Galego-Portugués</p> <p>Inglés-Español</p> <p>Inglés-Galego-Portugués</p> <p>Grao Aberto en Ciencias Sociais e Xurídicas</p> <p>Enxeñaría Mecánica e Enxeñaría Naval e Oceánica</p> <p>Grao Aberto en Enxeñaría Industrial</p>

7. CICLOS DE FORMACIÓN PROFESIONAL

A Formación Profesional estrutúrase en Ciclos Formativos de Grao Medio e Superior.

A finalidade da Formación Profesional é a preparación do alumnado para a actividade nun campo profesional e a súa capacitación para o desenvolvemento cualificado das diferentes profesións.

Como está organizada a Formación Profesional?

Comprende na actualidade tres subsistemas:

1. **Formación profesional específica**, que se organiza en Ciclos de Grao Medio e de Grao Superior.
2. **Formación profesional ocupacional**, que comprende as ensinanzas non regradas dirixidas a proporcionar capacitación profesional (para demandantes de emprego).
3. **Formación profesional continua**, dirixida a mellorar a formación das persoas que xa están traballando.

Ímonos a ocupar aquí da formación profesional específica.

Que é a Formación Profesional Específica?

A formación profesional en Galicia ordénase en 25 familias profesionais –grupo de ocupacións- que configuran o sector económico e concorren nunha mesma actividade produtiva.

Á súa vez, as familias profesionais están constituídas por ciclos formativos co obxectivo de formar profesionais de cada sector profesional con máis capacitación e máis cualificación. Cada ciclo formativo comprende un conxunto de módulos profesionais de formación teórica e práctica.

Os ciclos formativos poden ser de grao básico, medio ou de grao superior, e teñen unha duración de dous cursos académicos (excepto na modalidade Dual). Teñen como obxectivo prepararte para a actividade profesional elixida e capacitarte para o desempeño cualificado dunha profesión.

Cales son os Réximes e as Modalidades para realizar estudos de FP?

Actualmente, a Formación Profesional pódese cursar en diferentes réximes:

- **No réxime ordinario**, por curso completo, na modalidade presencial, asistindo diariamente a un centro formativo.
- **No réxime de persoas adultas**, a matrícula é parcial, por módulos formativos, nas modalidades tanto presencial como a distancia. Para acceder precisas ter 18 anos ou excepcionalmente 16 se acreditas a túa condición de traballador.

A matrícula parcial por módulos, no réxime de adultos, permite que cada persoa deseñe o seu itinerario formativo en función da súa actividade laboral, das cargas familiares ou doutras actividades, respondendo así ás necesidades a aos intereses persoais ao longo da vida.

- **No réxime dual**, realízase en réxime de alternancia entre o centro educativo e a empresa, cun número de horas ou días de estancia neste e no centro educativo de duración variable.

A formación do ciclo formativo é compartida entre o centro educativo e unha empresa coa que se establece un convenio. A empresa facilita os seus espazos, as súas instalacións e/ou as persoas expertas para realizar parcialmente determinados módulos profesionais. Mentres se forma o alumno/a asina coa empresa un contrato de aprendizaxe ou é beneficiario dunha bolsa.

Como se accede?

7.1. REQUISITOS DE ACCESO AOS CICLOS DE FORMACIÓN PROFESIONAL

<p>ACCESO A CICLOS DE GRAO MEDIO</p>	<p>a) Estar en posesión dun dos seguintes títulos:</p> <ul style="list-style-type: none"> - Título de Graduado en ESO - Título Profesional Básico (FP Básica) - Curso de formación específico preparatorio para o acceso a ciclos de grado medio. <p>b) Ter superada unha proba de acceso e ter 17 anos cumpridos no ano de realización de dita proba.</p>
<p>ACCESO A CICLOS DE GRAO SUPERIOR</p>	<ul style="list-style-type: none"> a) Título de Bacharelato. A cada ciclo superior teñen preferencia os que cursaran determinadas modalidades de Bacharelato. b) Título de técnico de grado medio de Formación Profesional. c) Curso de formación específico preparatorio para o acceso a ciclos de grado superior en centros públicos ou privados autorizados para maiores de 19 anos (cumpridos no ano de realización da proba). d) Proba de acceso para maiores de 19 anos (cumpridos no ano de realización da proba). e) Título de Técnico Superior de Formación Profesional. f) Título de graduado universitario.

<p>RÉXIME DE ADULTOS MODULAR</p>	<ul style="list-style-type: none"> • Cumprir como mínimo 18 anos no ano natural en que comeza o ciclo. • Excepcionalmente, poderán acceder as persoas maiores de 16 anos que o soliciten e teñan un contrato laboral que lles impida acudir aos centros educativos polo réxime ordinario, ou sexan deportistas de alto rendemento. As persoas que accedan por esta condición poderán matricularse no caso de haber prazas liberadas con autorización da inspección educativa. • Cumprir algún dos requisitos académicos de acceso ao réxime ordinario. • Acceso sen requisitos académicos: No caso de haber prazas liberadas poderase acceder á oferta parcial (cursar algúns módulos) con acreditación de experiencia laboral equivalente ao traballo a tempo completo de dous anos nunha actividade laboral directamente relacionada co sector laboral do ciclo. Esta formación será acumulable, e para a obtención do título completo, haberá que acreditar o cumprimento dos requisitos académicos.
<p>RÉXIME DUAL</p>	<ul style="list-style-type: none"> • Ter entre 18 e 29 ou cumprilos no ano natural en que comece o ciclo formativo. • Cumprir os requisitos de acceso aos ciclos formativos, para poder matricularse en todos os módulos profesionais do ciclo formativo correspondente. • Carecer da cualificación profesional, obtida e recoñecida polo sistema de formación para o emprego ou do sistema educativo, requirida para concertar un contrato en prácticas para o posto de traballo ou a ocupación obxecto do proxecto. • Non ter realizado con anterioridade un contrato de formación e aprendizaxe, e cumprir os requisitos establecidos na normativa laboral vixente para poder efectualo. • Non ter superado ningún módulo profesional do ciclo formativo do proxecto solicitado, agás que fose cursando outro ciclo formativo.

Onde se estudan?

- Nos Institutos de Educación Secundario públicos (IES)
- Nos Centros Integrados de Formación Profesional públicos (CIFP)
- Nos centros privados concertados (CPR)
- Nos centros privados autorizados.

Como están organizados?

A familia profesional é o nome que enmarca unha actividade nun determinado campo de traballo. Actualmente hai unhas 25 familias de formación profesional en Galicia.

Dentro de cada familia hai ***ciclos formativos*** que recollen un conxunto de destrezas orientadas ao exercicio dunha profesión concreta. Cada familia ten diferentes Ciclos Formativos de Grao Medio ou de Grao Superior, que se corresponden con cada profesión.

Cada ciclo formativo comprende unha serie de ***módulos***. Son as áreas ou materias de contido teórico e práctico que terías que estudar. Existen uns módulos que son comúns a todos os ciclos: FOL (Formación e Orientación Laboral), EIE (Empresa e Iniciativa Emprendedora), FCT (Formación en Centros de Traballo) e Proxecto integrado.

O tipo de módulos que vas a cursar están directamente relacionados coa profesión estudada, é dicir, xa non existen materias como lingua e literatura, matemáticas, filosofía, ciencias sociais, etc., pero é moi importante a formación previa que teñas para ter unha boa base que che faga cursar con éxito os estudos dos ciclos.

Que é a FCT (Formación en Centros de Traballo)?

Consiste nun período de prácticas que terás que desenvolver nunha empresa, e que normalmente dura 3 meses ao final do ciclo. É un módulo con moitas horas e para acceder hai que superar todos os outros módulos teórico-prácticos que se imparten no centro educativo.

Canto duran os Ciclos?

2000 horas (incluídas as prácticas), distribuídas en dous cursos académicos.

Que titulación se obtén?

Co Ciclo de Grao Medio: ***Título de Técnico*** na profesión correspondente. Con este título podes acceder ao mundo laboral ou a un ciclo de grao superior.

Co Ciclo de Grao Superior: ***Título de Técnico Superior***. Con este título podes acceder ao mundo laboral ou aos graos universitarios. Ademais tes a posibilidade de obter o título de Bacharelato.

Lembra que para obter os títulos é imprescindible superar todos os módulos que se imparten en cada Ciclo.

Que son os Ciclos de Artes Plásticas e Deseño?

Son uns Ciclos de Grao Medio e Superior que se estudan nas escolas de artes e para acceder ademais da titulación necesaria (ESO ou Bacharelato), hai que superar unha proba que valora as aptitudes e habilidades para cursar ese ciclo con aproveitamento (explicarémolo máis adiante).

Que saídas teñen os Ciclos de FP?

Acceso a ciclos superiores dende os ciclos medios	As persoas que dispoñan dun título de técnico poderán acceder aos ciclos superiores, tendo reservadas o 20% das prazas de cada ciclo superior. Actualmente o acceso é directo desde calquera CM a calquera CS, pero terán preferencia os que teñan un título CM pertencente á mesma familia profesional.
Obter o título de Bacharelato	Tendo o título de técnico ou de técnico superior e matriculándose e superando as materias comúns e lingua galega.
Acceso á universidade dende os ciclos superiores	<p>As persoas que dispoñan do título de técnico superior de formación profesional, ou do título de técnico superior de artes plásticas e deseño, ou do título de técnico deportivo superior, ou dun título equivalente, poderán acceder ás ensinanzas universitarias.</p> <p>Validacións de materias do título universitario: No caso de acceder ás ensinanzas universitarias desde un ciclo formativo de grao superior é posible ter o recoñecemento de créditos universitarios (validar materias do título universitario).</p>
Acceso ao mercado laboral	<p>A obtención do título de técnico ou técnico superior, pola superación dun ciclo formativo, permite a incorporación ao mercado laboral.</p> <p>O exercicio da profesión dunha persoa titulada de formación profesional comporta o desempeño cualificado dunha actividade nun campo profesional, que pode ser executada de xeito autónomo, ou por conta allea asumindo responsabilidades dentro dunha organización produtiva, como xefe/a de equipo, organizando, programando e supervisando procesos produtivos, se se trata dun ciclo superior</p>

7.2. CRITERIOS DE ADMISIÓN NOS CICLOS DE GRAO MEDIO NO RÉXIME ORDINARIO

Cando as prazas nun ciclo de grao medio sexan insuficientes, para adxudicalas aplícanse os seguintes criterios:

1º Criterio: DISTRIBUCIÓN POR COTAS

As prazas ofrecidas para cada centro e ciclo distribúense en tres cotas: cota xeral, cota para persoas con discapacidade legalmente recoñecida (10%) e cota para deportistas de alto nivel ou de alto rendemento (5%).

<i>Cota xeral</i>
<i>Cota do 10% para persoas con discapacidade</i>
<i>Cota do 5% a maiores para deportistas de alto rendemento</i>

2º Criterio: DISTRIBUCIÓN POR GRUPOS DENTRO DE CADA COTA

Dentro de cada cota haberá tres grupos segundo o tipo de requisitos de acceso:

- **Grupo A**, ou persoas que posúen título da ESO ou titulacións equivalentes para efectos de acceso a ciclos.
- **Grupo B**, ou persoas que teñen título profesional básico ou os módulos obrigatorios dos PCPI do curso 2011-2012 ou os seguintes.
- **Grupo C**, ou persoas que teñen certificación de superación das probas de acceso a ciclos ou outras vías de acceso a ciclos de grao medio.

A distribución, ao comezo do proceso de admisión, das prazas dispoñibles para cada ciclo e para cada centro queda do seguinte xeito:

GRUPO A	GRUPO B	GRUPO C
ESO e equivalentes	FPB e PCPI	Proba de acceso e outros
Ata o 70%	Ata o 20%	Ata o 10%

En cada grupo, ordenaranse as solicitudes de maior a menor **nota media**.

CRITERIOS DE DESEMPATE

En caso de empate entre varias persoas solicitantes, e co obxectivo de favorecer o fomento das vocacións nas áreas con infrarrepresentación de mulleres ou de homes, seleccionaranse en virtude do sexo menos representado na área profesional en que se demande a praza. De persistir o empate, resolverase tendo en conta o sorteo público das letras dos apelidos, que se utiliza para a admisión en centros públicos.

7.3. DATAS DE SOLICITUDE DE CICLOS DE FP

Para solicitar praza en calquera ciclo terás que facelo entre finais de xuño e principios de xullo. Por exemplo o curso pasado realizouse do 23 de xuño ao 5 de xullo.

IMPORTANTE: Se no momento en que solicitas praza no ciclo, cumpres os requisitos de acceso directo (Título de ESO), e tamén cumpres o acceso por proba (caso dos alumnos que superan completa a proba de acceso), deberás solicitar admisión no ciclo

obrigatoriamente polo grupo A, onde se terá en conta a nota media de 4º de ESO ou dos estudos que acredites.

Este é o calendario do proceso de admisión do curso pasado (23-24). As datas concretas para este curso serán publicadas pola Consellería na web de FP a mediados de xuño. Tamén se publicará nesas datas a oferta definitiva de ciclos de FP para o vindeiro curso 2023-2024.

Prazos do proceso de admisión

- Réxime ordinario

- Réxime para as persoas adultas

Período ordinario de admisión	
Presentación de solicitudes	23 xuño ás 9:00 ao 5 xullo ás 13:00 horas
Listaxe provisional de solicitudes	10 xullo
Reclamación á listaxe provisional	10 xullo ás 9:00 ao 12 xullo ás 13:00 horas
Listaxe definitiva de solicitudes	19 xullo
1ª adxudicación	19 xullo
Matriculación 1ª adxudicación	19 xullo ás 9:00 ao 24 xullo ás 13:00 horas
2ª adxudicación	27 xullo
Matriculación 2ª adxudicación	27 xullo ás 9:00 ao 31 xullo ás 13:00 horas
3ª adxudicación	1 setembro
Matriculación 3ª adxudicación	1 setembro ás 9:00 ao 6 setembro ás 13:00 horas
Adxudicación continuada (chamamento)	11 setembro ás 9:00 horas ao 29 setembro ás 13:00 horas

Período de solicitude de matrícula simultánea	
Presentación de solicitudes* <small>*Sempre que existan prazas dispoñibles.</small>	11 setembro ás 9:00 horas ao 14 setembro ás 13:00 horas
Matriculación* <small>*Sempre que existan prazas dispoñibles e con resolución positiva do servizo de inspección educativa.</small>	20 setembro ás 9:00 horas ao 22 setembro ás 13:00 horas

Outras accións	
Oferta das prazas vacantes dos módulos de réxime ordinario para o réxime para as persoas adultas.	18 setembro ás 9:00 horas ao 22 setembro ás 13:00 horas

Procedemento de solicitude en ciclos de FP

No curso pasado a solicitude vía web foi obrigatoria, a través da páxina <https://www.edu.xunta.es/ciclosadmission/>

Na aplicación correspondente hai que cumprimentar un impreso onde se pode solicitar ata 5 ciclos formativos e/ou centros diferentes, e ordenalos por orde de preferencia.

Logo de realizada a solicitude web, a aplicación informática, xera un impreso con instrucións individualizadas para cada solicitante. O impreso xerado pola aplicación informática indica a documentación que cómpre achegar. Esta documentación cos impresos xerados deberá ser debidamente entregada e en prazo, en calquera centro público de Galicia con oferta de ciclos formativos de formación profesional.

No caso de que o impreso xerado pola aplicación informática indique que se trata dun documento xa validado e que non é necesario entregalo nun centro, non será preciso máis trámite, pero o documento impreso deberase conservar como resgardo da solicitude de admisión.

Unha vez realizada a solicitude de praza en Ciclos, deberás estar pendente dos listados de admisión en cada fase do proceso, é dicir, as diferentes adxudicacións, e ter en conta o seguinte:

- As persoas con praza adxudicada en cada fase do proceso teñen a obriga de matricularse nos prazos que se indiquen.
- No 1º curso do réxime ordinario, quen non fose admitido na praza solicitada en primeiro lugar poderá renunciar á praza outorgada nos mesmos prazos establecidos para a matrícula. Esta renuncia implica tamén desistir de todas as demais prazas solicitadas en opcións de menor preferencia a esa, permanecendo nas listas de espera das opcións con maior prioridade.

Se desexas acceder a un ciclo de grao medio no vindeiro curso 2024-2025, deberás estar pendente da web da consellería dende mediados de xuño, onde se publicará a información para o proceso de admisión do vindeiro curso.

7.4. PROBAS DE ACCESO A CICLOS DE GRAO MEDIO

En que consisten?

Se non acadaches o título da ESO pola vía ordinaria ou por adultos e desexas acceder a un Ciclo de Formación Profesional de Grao Medio, podes presentarte a unha proba, que unha vez superada, che da un certificado que che permite o acceso a calquera Ciclo de Grao Medio.

Que requisitos hai que cumprir?

- Hai que ter cumpridos os 17 anos ou cumprilos no ano natural en que se celebra a proba (é dicir, se cumpres os 17 en decembro do mesmo ano da proba, tamén podes presentarte, aínda que non os teñas cumpridos na data dos exames).
- Outra condición é que non cumpras os requisitos para acceder a un CM (por exemplo ter o Título da ESO ou de FP Básica).

Que tramites teño que realizar?

- Nos prazos que se determinen (febreiro/marzo aproximadamente), deberás presentar unha solicitude para participar na proba, no centro que oferte ensinanzas de FP.
- Esta solicitude atópala na web.

- Unha vez realizada esta inscrición só tes que estar pendente das datas, horarios e lugar das probas. Normalmente celébranse no mes de maio/xuño, en horario de mañá e tarde e nos centros asignados.

En que consiste a proba?

Ten tres partes:

- 1ª parte: Sociolingüística, con exercicios sobre contidos de lingua e literatura española, de lingua e literatura galega e de ciencias sociais.
- 2ª parte: Científico-técnica, con exercicios sobre contidos de ciencias da natureza e tecnoloxía.
- 3ª parte: Matemática

Poderán estar exentos da parte científico-técnica os que teñan como mínimo un ano de experiencia laboral en xornada completa, independentemente do campo profesional onde se traballara.

No caso de ter superado algún ámbito do módulo IV da ESA poderase solicitar tamén a exención da parte correspondente da proba.

Se desexas ver exemplos de probas de anos anteriores podes consultar en <http://www.edu.xunta.es/fp/probas>

Que nota hai que acadar?

Para a superación da proba hai que acadar unha **calificación mínima de 5 como nota media** das tres partes. Para realizar a media hai que acadar un **mínimo de 4 en cada parte**.

Cantas veces me podo presentar á proba?

Tantas veces como o desexas. Se te presentaches en convocatorias anteriores e non superaches a proba, pero acadaches un cinco nalgunha das partes, gárdanche a nota desa parte durante dous anos, polo que non terías que examinarte delas.

Unha vez superada deberás estar pendente dos resultados do centro onde a realizaches, e se a superaches na súa totalidade, podes solicitar a acreditación que certifica que tes superada dita proba.

Cando solicito praza no ciclo?

Xa comentamos antes que se superas a proba de acceso **podes acceder a calquera Ciclo de Grao Medio que ti escollas**. Coa acreditación (que che facilitarán no centro onde realizaches a proba) deberás solicitar praza e matricularte nos ciclos nos mesmos prazos que para o resto.

7.5. ACCESO AOS CICLOS DE GRAO SUPERIOR

Pódese acceder de forma directa se se cumpren determinadas condicións ou mediante unha proba de acceso.

Igual que no acceso a ciclos medios, as prazas distribúense nas mesmas cotas (xeral, discapacidade e deportistas de ato rendemento) e en cada cota nos seguintes grupos por orde de preferencia:

GRUPO A	GRUPO B	GRUPO C
BACH e equivalentes	Título de Técnico (CM)	Probas de acceso e outros
Ata o 70%	Ata o 20%	Ata o 10%

Grupo A (Preferencias)

1º Alumnado con título de bacharelato da modalidade preferente, e coas materias de bacharelato vinculadas ao ciclo. A nota media, de maior a menor, das materias vinculadas empregaranse nos casos de empate da nota media do bacharelato.

2º Alumnado con título de bacharelato da modalidade preferente, pero sen algunha das materias vinculadas.

3º Alumnado con título de bacharelato sen modalidade preferente. Alumnado con COU ou PREU.

4º Alumnado con título de bacharelato unificado e polivalente (BUP).

Grupo B (Preferencias)

1º Alumnado con título de técnico de formación profesional da mesma familia profesional que o ciclo formativo de grao superior que se solicita.

2º Alumnado con título de técnico de formación profesional de diferente familia profesional que o ciclo formativo de grao superior que se solicita.

Grupo C (Preferencias)

1º Alumnado con proba de acceso a ciclos formativos de grao superior de formación profesional.

2º Alumnado con proba de acceso á universidade para maiores de 25 anos.

3º Alumnado con título de técnico superior ou de técnico especialista.

4º Alumnado con título universitario.

En caso de empate entre varias persoas solicitantes, seleccionarase en virtude do sexo menos representado na área profesional en que se demande a praza. De persistir o empate, resolverase polo resultado das letras do apelido do sorteo público para ese ano, igual que nos ciclos medios.

Quen cumpra simultaneamente os requisitos de acceso directo e os de acceso mediante proba non poderá presentar a solicitude de acceso mediante proba. De o facer, excluírase do proceso de admisión.

VINCULACIÓNS entre AS MODALIDADES DE BACHARELATO E OS CICLOS SUPERIORES: http://www.edu.xunta.gal/fp/webfm_send/10244**Acceso aos ciclos superiores mediante proba**

Poderán acceder mediante proba as persoas que non reúnan os requisitos académicos e teñan cumpridos **19 anos** no ano de realización da proba.

Para o acceso a ciclos superiores mediante proba resérvase ata o 10% das prazas, e terase en conta a nota media acadada.

Debes saber que a proba de acceso a ciclos superiores non é común, como a de ciclos medios, senón que te examinarás dunhas materias ou outras en función do ciclo ao que desexes acceder. A proba ten dúas partes:

Parte común da proba: Consta de tres exames de materias de 2º de Bacharelato.

- Lingua Galega.
- Lingua Castelá.
- Matemáticas.

Parte específica da proba: Organízase en tres opcións, A, B e C en función do ciclo superior ao que desexes acceder, e dentro da opción elixida escolleranse dúas materias.

- **Opción A:** Economía da empresa, lingua estranxeira (inglés ou francés), e filosofía.
- **Opción B:** Debuxo técnico, tecnoloxía industrial e física.
- **Opción C:** Ciencias da terra e ambientais, química e bioloxía.

As familias profesionais ás que podes acceder segundo a opción da proba pola que te presentes **A, B ou C** son as seguintes:

Proba de acceso superada	Familias profesionais e ciclos formativos aos que dá acceso
Opción A	▪ Administración e Xestión.
	▪ Comercio e Márketing.
	▪ Hostalaría e Turismo.
	▪ Servizos Socioculturais e á Comunidade.
	▪ Ciclo superior de Producción de Audiovisuais e Espectáculos (da familia profesional de Imaxe e Son).
Opción B	▪ Artes Gráficas.
	▪ Edificación e Obra Civil.
	▪ Electricidade e Electrónica.
	▪ Enerxía e Auga.
	▪ Fabricación Mecánica.
	▪ Industrias Extractivas.
	▪ Informática e Comunicaciós.
	▪ Instalación e Mantemento.
	▪ Imaxe e Son (agás o ciclo superior de Producción de Audiovisuais e Espectáculos).
	▪ Madeira, Moble e Cortiza.
	▪ Marítimo-pesqueira (agás o ciclo superior de Acuicultura).
	▪ Transporte e Mantemento de Vehículos.
	▪ Têxtil, Confección e pel.
▪ Vidro e Cerámica.	
Opción C	▪ Agraria.
	▪ Actividades Físicas e Deportivas.
	▪ Imaxe Persoal.
	▪ Industrias Alimentarias.
	▪ Ciclo superior de Acuicultura (da familia profesional de Marítimo-pesqueira).
	▪ Química.
	▪ Seguridade e Ambiente.
	▪ Sanidade.

No caso de superar unha parte da proba, consérvase a nota da parte superada durante dous anos consecutivos. No caso de superar toda a proba, o certificado obtido ten validez indefinida.

Igual que na proba de acceso a ciclos de grao medio, para presentarte a esta proba terás que facer unha inscrición, no mes de xaneiro, nun centro que imparte FP, e o exame será aproximadamente no mes de abril.

Para ver exemplos de probas podes buscalas en <http://www.edu.xunta.es/fp/probas>

7.6. OFERTA DE FORMACIÓN PROFESIONAL DE GRAO MEDIO E GRAO SUPERIOR (RÉXIME ORDINARIO e ADULTOS-DUAL):

Familias de Formación Profesional	Oferta de Ciclos Medios (CM) e Ciclos Superiores (CS)
<p>Agraria</p> <p>Xestión e organización de empresas agropecuarias e dos recursos naturais e paisaxísticos</p>	<p>CM Aproveitamento e Conservación do Medio Natural</p> <p>CM Producción agroecolóxica</p> <p>CM Producción agropecuaria</p> <p>CM Xardinería e floraría</p> <hr/> <p>CS Gandaría a e asistencia en sanidade animal</p> <p>CS Paisaxismo e medio rural</p> <p>CS Xestión forestal e do medio natural</p> <p>CS Dirección de cociña e oferta parcial de CM Producción agroecolóxica</p>
<p>Actividades Físicas e Deportivas</p> <p>Condución e animación de actividades físico-deportivas</p>	<p>CM Guía no medio natural e de tempo libre</p> <hr/> <p>CS Acondicionamento Físico</p> <p>CS Ensinanza e animación sociodeportiva</p>
<p>Artes Gráficas</p> <p>Actividade produtiva de preparación de orixinais, tratamento de textos e imaxes, preparación da forma impresa, impresión en gravado en relevo, offset, serigrafía e flexografía, encadernación, manipulado de papel, cartón e outros materiais</p>	<p>CM Impresión gráfica</p> <p>CM Postimpresión e acabamentos gráficos</p> <p>CM Preimpresión dixital</p> <hr/> <p>CS Deseño e edición de publicacións impresas e multimedia</p> <p>CS Deseño e xestión da produción gráfica</p>
<p>Marítimo Pesqueiras</p> <p>Pesca: Artesanal e industrial.</p> <p>Acuicultura: Peixes, crustáceos e moluscos.</p> <p>Mergullo: Media profundidade.</p>	<p>CM Cultivos acuícolas</p> <p>CM Mantemento e control de maquinaria de buques e embarcacións</p> <p>CM Navegación e pesca de litoral</p> <hr/> <p>CS Operacións subacuáticas e hiperbáricas</p> <p>CS Acuicultura</p>

Familias de Formación Profesional	Oferta de Ciclos Medios (CM) e Ciclos Superiores (CS)
<p>Buques: Manexo, control e mantemento dos sistemas de propulsión, equipos e instalacións. Transporte marítimo: administración e control da navegación</p>	<p>CS Transporte marítimo e pesca de altura CS Organización do mantemento de maquinaria de buques e embarcacións</p>
<p>Administración e Xestión Administración e xestión en calquera sector de actividade económica, entidades financeiras e de seguros, e na administración pública</p>	<p>CM Xestión administrativa CS Administración e finanzas CS Asistencia á dirección</p>
<p>Comercio e Márketing Actividade produtiva de departamentos comerciais, comercio independente (ao por maior e ao por menor), comercio integrado e asociado, axencias comerciais, xestión do transporte, servizos ao consumidor</p>	<p>CM Actividades comerciais CM Comercialización de produtos alimentarios CS Transporte e loxística CS Márketing e publicidade CS Xestión de vendas e espazos comerciais CS Comercio Internacional</p>
<p>Imaxe e Son Fotografía, cine, vídeo, publicidade, radio, televisión, espectáculos e axencias de noticias</p>	<p>CM Vídeo Disc-jockey e son CS Animación 3D, xogos e contornos interactivos CS Iluminación, captación e tratamento da imaxe CS Son para audiovisuais e espectáculos CS Producción de audiovisuais e espectáculos CS Realización de proxectos audiovisuais e espectáculos ES Autodescripción e subtitulación</p>
<p>Edificación e Obra Civil Construción de edificios industriais, comerciais, de servizos e de vivendas, así como de aeroportos, estradas, obras marítimas e hidráulicas, obras</p>	<p>CM Construción CM Escavacións e sondaxes e oferta parcial de CM Construción CM Obras de interior, decoración e rehabilitación CS Organización e control de obras de construción</p>

Familias de Formación Profesional	Oferta de Ciclos Medios (CM) e Ciclos Superiores (CS)
<p>subterráneas, ferrocarrís, conducións liñais de fluídos e a súa rehabilitación</p>	<p>CS Proxectos de obra civil CS Proxectos de edificación CS Construcións metálicas e oferta parcial de CS Proxectos de obra civil</p>
<p>Electricidade e Electrónica</p> <p>Equipos e instalacións eléctricas de distribución e electrificación, singulares e automatizadas en vivendas e edificios; sistemas de automatización industrial; equipos electrónicos de consumo e profesionais, e sistemas de telecomunicacións e informáticos.</p>	<p>CM Instalacións eléctricas e automáticas CM Instalacións de telecomunicacións EM Implementación de redes 5G EM Instalación e mantemento de sistemas conectados a internet (IoT)</p> <p>CS Automatización e robótica industrial CS Electromecánica clínica CS Mantemento electrónico CS Mecatrónica industrial e oferta parcial de CS Automatización e robótica industrial CS Sistemas electrotécnicos e automatizados CS Sistemas de telecomunicacións e informáticos ES Ciberseguridade en contornos das tecnoloxías de operación ES Robótica colaborativa e oferta parcial de CS Mecatrónica industrial ES Robótica colaborativa ES Sistemas de sinalización e telecomunicacións ferroviarias</p>
<p>Fabricación Mecánica</p> <p>Construción de maquinaria e equipos mecánicos.</p> <p>Fabricación de produtos metálicos.</p> <p>Fabricación de instrumentos de previsión, óptica e similares.</p> <p>Construción de material de</p>	<p>CM Mantemento electromecánico e oferta parcial de CM Mecanizado CM Mecanizado CM Soldadura e caldeiraría CM Soldadura e caldeirería e oferta parcial de CM Mecanizado</p> <p>CS Construcións metálicas CS Construcións metálicas e oferta parcial de CS</p>

Familias de Formación Profesional	Oferta de Ciclos Medios (CM) e Ciclos Superiores (CS)
<p>transporte (naval, ferrocarril, aeronaves, bicicletas, motocicletas, automóviles, camións, autobuses, maquinaria de obras públicas,...).</p> <p>Construción de maquinaria eléctrica, etc.</p> <p>Fabricación e reparación de produtos metálicos, estruturais, grandes depósitos e caldeirería grosa.</p> <p>Producción de bens de equipo.</p>	<p>Proxectos de obra civil</p> <p>CS Deseño en fabricación mecánica</p> <p>CS Programación da produción en fabricación mecánica</p> <p>CS Programación da produción en moldeamento de metais e polímeros</p> <p>ES Fabricación aditiva</p> <p>ES Materiais compostos na industria aeroespacial</p>
<p>Hostalería e Turismo</p> <p>Aloxamentos turísticos e non turísticos.</p> <p>Establecementos de restauración social e comercial.</p> <p>Entidades de planificación e desenvolvemento turísticos.</p> <p>Información, asistencia e guía turísticas.</p> <p>Intermediación de servizos turísticos e viaxes.</p> <p>Manipulación, preparación, conservación e presentación de toda clase de alimentos, de produtos de panadería, pastelería e repostería.</p>	<p>CM Cociña e gastronomía</p> <p>CM Servizos de restauración</p> <p>EM Panadaría e bolería artesanais</p> <hr/> <p>CS Axencia de viaxes e xestión de eventos</p> <p>CS Dirección de cociña</p> <p>CS Dirección de cociña e oferta parcial de CM Producción agroecolóxica</p> <p>CS Dirección de servizos de restauración</p> <p>CS Dirección de servizos de restauración e oferta parcial de CS Xestión de aloxamentos turísticos</p> <p>CS Guía, información e asistencia turísticas</p> <p>CS Xestión de aloxamentos turísticos</p> <p>Dobre titulación en CS Axencias de viaxes e xestión de eventos e en CS Guía, información e asistencia turísticas e oferta parcial de CS Xestión de aloxamentos turísticos</p> <p>Dobre titulación en CS Dirección de cociña e en CS Dirección de servizos de restauración</p>
<p>Imaxe Persoal</p> <p>Peiteado, estética persoal, caracterización e asesoría de</p>	<p>CM Estética e beleza</p> <p>CM Peiteado e cosmética capilar</p> <p>CS Asesoría da imaxe persoal e corporativa</p>

Familias de Formación Profesional	Oferta de Ciclos Medios (CM) e Ciclos Superiores (CS)
<p>imaxe persoal</p>	<p>CS Caracterización e maquillaxe profesional CS Estética integral e benestar CS Estilismo e dirección de peiteado CS Termalismo e benestar</p>
<p>Industrias Alimentarias Elaboración e conservación de produtos alimenticios como aceites e xugos, viños e outras bebidas, produtos lácteos, conserva vexetal, cárnica e de peixe, industrias cerealistas</p>	<p>CM Aceites de oliva e viños CM Elaboración de produtos alimentarios CM Panadería, repostaría e confeitaría CS Procesos e calidade na industria alimentaria CS Vitivinicultura</p>
<p>Informática e Comunicacions Instalación e mantemento de produtos informáticos. Creador, programador de programas informáticos</p>	<p>CM Sistemas microinformáticos e redes CS Administración de sistemas informáticos en rede CS Desenvolvemento de aplicacións multiplataforma CS Desenvolvemento de aplicacións web ES Ciberseguridade en contornos das tecnoloxías da información ES Desenvolvemento de videoxogos e realidade virtual ES Intelixencia artificial e big data</p>
<p>Instalación e Mantemento Montaxe e mantemento das instalacións de edificios: hospitais, superficies comerciais, centros de ensino, polideportivos, oficinas, etc. Montaxe e mantemento de instalacións para o proceso continuo: industria química, refino de petróleo, industrias lácteas, elaboración de bebidas, papeleira, etc.</p>	<p>CM Instalacións de produción de calor CM Instalacións frigoríficas e de climatización CM Mantemento electromecánico CM Mantemento electromecánico e oferta parcial de Mecanizado Dobre titulación en CM Instalacións frigoríficas e de climatización e en CM Instalacións de produción de calor CS Desenvolvemento de proxectos de instalacións térmicas e de fluídos CS Mantemento de instalacións térmicas e de fluídos</p>

Familias de Formación Profesional	Oferta de Ciclos Medios (CM) e Ciclos Superiores (CS)
<p>Montaxe e mantemento da maquinaria da fabricación de produtos metálicos, para o traballo da madeira, da fabricación do material de transporte (ferrocarril, aeronaves, bicicletas, motocicletas, automóviles, camiós, etc.), maquinaria eléctrica, etc., e en xeral</p>	<p>CS Mecatrónica industrial</p> <p>CS Mecatrónica industrial e oferta parcial de CS Automatización e robótica industrial</p> <p>CS Prevención de riscos profesionais</p> <p>ES Dixitalización do mantemento industrial</p> <p>ES Fabricación intelixente</p> <p>ES Modelaxe da información da construción (BIM)</p> <p>ES Robótica colaborativa e oferta parcial de CS Mecatrónica industrial</p>
<p>Madeira, Moble e Cortiza</p> <p>Serrado e preparación industrial da madeira e o cortiza.</p> <p>Fabricación de produtos semielaborados da madeira e o cortiza.</p> <p>Fabricación en serie de carpintería, parqué e estruturas de madeira para a construción, envases, ensamblaxes e obxectos diversos de madeira.</p> <p>Industria do moble e da madeira.</p> <p>Fabricación e instalación de moble.</p>	<p>CM Carpintería e moble</p> <p>CM Carpintería e moble e oferta parcial de CS Deseño e amoblamento</p> <p>CM Instalación e amoblamento</p> <p>CM Procesamento e transformación da madeira e oferta parcial de CM Operacións de laboratorio</p> <p>CS Deseño e amoblamento</p>
<p>Transporte e Mantemento de Vehículos</p> <p>Mantemento de vehículos, automóviles, motocicletas, maquinaria agrícola e tractores, maquinaria de construción e obras públicas, así como inspección técnica de vehículos</p>	<p>CM Carrozaría</p> <p>CM Electromecánica de maquinaria</p> <p>CM Electromecánica de vehículos automóviles</p> <p>CM Mantemento de estruturas de madeira e moblaxe de embarcacións de recreo</p> <p>EM Mantemento de vehículos híbridos e eléctricos</p>

Familias de Formación Profesional	Oferta de Ciclos Medios (CM) e Ciclos Superiores (CS)
	<p>CS Automoción</p> <p>CS Mantemento aeromecánico de avións con motor de turbina</p> <p>ES Mantemento e seguridade en sistemas de vehículos híbridos e eléctricos</p> <p>ES Aeronaves pilotadas de forma remota-Drons</p>
<p>Química</p> <p>Industria química e farmacéutica do refino de petróleo, da industria de papel, e da industria da transformación do caucho e materias plásticas. Así mesmo, cubre certas necesidades de cualificación noutras industrias, como a alimentación, metalurxia, vidro, cerámica e outras industrias de manufactura nas que se fai imprescindible a análise e control da materia que se transforma</p>	<p>CM Operacións de laboratorio</p> <p>CM Procesamento e transformación da madeira e oferta parcial de CM Operacións de laboratorio</p> <p>CS Laboratorio de análise e control de calidade</p> <p>CS Química industrial</p> <p>CS Fabricación de produtos farmacéuticos, biotecnolóxicos e afíns</p> <p>ES Cultivos celulares</p>
<p>Sanidade</p> <p>Sector sanitario, tanto dende a súa vertente pública como dende a empresa privada nos ámbitos profesionais de : atención primaria e comunitaria, atención especializada, saúde pública, servizos xerais ou centrais e produtos sanitarios</p>	<p>CM Coidados auxiliares de enfermería</p> <p>CM Farmacia e parafarmacia</p> <p>CM Emerxencias sanitarias</p> <p>CS Anatomía patolóxica e citodiagnóstico</p> <p>CS Audioloxía protésica</p> <p>CS Dietética</p> <p>CS Documentación e administración sanitarias</p> <p>CS Hixiene bucodental</p> <p>CS Imaxe para o diagnóstico e medicina nuclear</p> <p>CS Laboratorio clínico e biomédico</p> <p>CS Próteses dentais</p>

Familias de Formación Profesional	Oferta de Ciclos Medios (CM) e Ciclos Superiores (CS)
	CS Radioterapia e dosimetría
<p>Servizos Socioculturais e á Comunidade</p> <p>Organización, planificación e xestión de proxectos de intervención social, proxectos educativos, e de atención á infancia e interpretación da linguaxe de signos, braille...</p>	<p>CM Atención a persoas en situación de dependencia</p> <p>CS Animación sociocultural e turística</p> <p>CS Educación infantil</p> <p>CS Formación para a mobilidade segura e sustentable</p> <p>CS Integración social</p> <p>CS Mediación comunicativa</p> <p>CS Promoción de igualdade de xénero</p>
<p>Téxtil, Confección e Pel</p> <p>Actividade produtiva téxtil: algodón, lá, seda natural, fibras sintéticas, punto, alfombras e acabados.</p> <p>Actividade do coiro: curtidos acabados, e marroquinería e do calzado, o vestido e todo tipo de confección</p>	<p>CM Confección e moda</p> <p>CM Dobre titulación en CM Confección e moda e en CM Calzado e complementos de moda</p> <p>CS Patronaxe e moda</p> <p>CS Patronaxe e moda e oferta parcial de CS Vestiario á medida e de espectáculos</p> <p>CS Vestiario á medida e de espectáculos</p>
<p>Enerxía e Auga</p> <p>Sector enerxético, avaliando e inspeccionando a eficiencia das instalacións de enerxía e auga dos edificios, xestionando a montaxe e mantemento das instalacións térmicas</p>	<p>CM Redes e estacións de tratamento de augas</p> <p>CS Eficiencia enerxética e enerxía solar térmica</p> <p>CS Enerxías renovables</p> <p>ES Auditoría enerxética</p>
<p>Seguridade e ambiente</p>	<p>CS Educación e control ambiental</p> <p>CS Química e saúde ambiental</p>

[\(http://www.edu.xunta.es/fp/\)](http://www.edu.xunta.es/fp/)

A finalidade da Formación Profesional Específica é a preparación do alumnado para a actividade nun campo profesional e a súa capacitación para o desenvolvemento cualificado dunha profesión.

8. ENSINANZAS DE RÉXIME ESPECIAL:

(<https://www.edu.xunta.gal/portal/taxonomy/term/109>)

8.1. QUE SON?

Son as ensinanzas nas que a organización é algo diferente á dos estudos de réxime xeral e nos que hai que superar unha proba de aptitudes para acceder a eles.

8.2. QUE ESTUDOS COMPRENDE?

- Ensinanzas de Música e Danza.
- Ensinanzas de Arte Dramática.
- Ciclos de Formación Profesional de Artes Plásticas e Deseño.
- Conservación e Restauración de Bens Culturais.
- Estudos Superiores de Deseño.
- Idiomas.
- Ensinanzas Deportivas.

8.3. ENSINANZAS DE MÚSICA:

Poden ser:

- REGRADAS: Estúdanse en Conservatorios de Música e Centros Autorizados de Música (obtense un título con validez académica e profesional).
- NON REGRADAS: Estúdanse en Escolas de Música (obtense un certificado).

Estrutúranse en:

- **Ensinanzas de Grao Elemental:**
 - Organización: A idade mínima de acceso son os 8 anos, e comprende 4 cursos académicos.
 - Acceso: Os criterios de admisión son establecidos por cada centro, e normalmente atenden ás aptitudes musicais dos interesados.
- **Ensinanzas de Grao Profesional:**
 - Organización: Grao de 6 cursos de duración divididos en 3 ciclos de 2 anos cada un.
 - Acceso: Para o acceso non hai límite de idade pero hai que superar unha proba, que será diferente acorde co ciclo ou curso no que se queira ingresar e que atende ás aptitudes e coñecementos musicais dos interesados
 - Titulación: O alumnado que finalice estas ensinanzas obterá o título de Técnico das Ensinanzas Profesionais de Música.

- Outras: **Con dita titulación pódese obter tamén o título de bacharelato na modalidade en Artes, superando as materias xerais do bloque de materias troncais da modalidade e a materia de Lingua Galega e Literatura.**
- **Ensinanzas de Grao Superior de Música:**
 - *Organización: 4 cursos.
 - Acceso: Para o acceso é preciso ter o título de Bacharelato ou equivalente e superar unha proba específica para cada especialidade. Se non cumpres os requisitos podes acceder se superas unha proba extraordinaria para maiores de 16 anos sobre algunhas materias de bacharelato.

Titulación: Título de Grado en Ensinanzas Artísticas Superiores de Música.

Especialidades:

Existen diferentes especialidades tanto en grao profesional como en grao superior.

En Galicia podes estudar o Grao Superior nos conservatorios de A Coruña e Vigo.

Onde se pode estudar Música?

- **Escolas de Música:** Son centros públicos ou privados que imparten ensinanzas non regradas de música dirixidas a aquelas persoas, sen límite de idade, que desexen unha formación musical. Tamén poden preparar para o acceso a ensinanzas regradas en conservatorios ou en centros autorizados (privados).
- **Conservatorios de Música:** Clasifícanse en “Elementais” (se imparten o grao elemental), “Profesionais” (se imparten o grao medio) e “Superiores” (se imparten só o grao superior). Tamén hai Centros Privados Autorizados.

8.4. ENSINANZAS DE DANZA

Poden ser:

- Regradas: Estúdanse en Conservatorios de Danza e Centros Autorizados de Danza (obtense un título con validez académica e profesional).
- Non regradas: Estúdanse en Escolas de Danza (obtense unicamente un certificado).

Estrutúranse en:

- **Ensinanzas de Grao Elemental:**
 - Organización: Comprende 4 cursos académicos.
 - Acceso: Os criterios de admisión son establecidos por cada centro, e normalmente atenden ás aptitudes físicas e expresivas dos aspirantes relacionadas coa danza e co sentido musical, mediante unha proba.

- Titulación: Neste grao non se obtén titulación, só un certificado acreditativo.
- **Ensinanzas de Grao Profesional:**
 - Organización: Grao de 6 cursos de duración divididos en 3 ciclos de 2 cursos cada un.
 - Acceso: Para o acceso non hai límite de idade pero hai que superar unha proba en xuño, que será diferente acorde co ciclo ou curso no que se queira ingresar. Os contidos tamén dependerán da especialidade na que se queira ingresar.
 - Titulación: Título de Profesional de Música ou de Danza.
 - Outras: **Con dita titulación pódese obter tamén o título de bacharelato na modalidade en Artes, superando as materias xerais do bloque de materias troncais da modalidade e a materia de Lingua Galega e Literatura.**
- **Ensinanzas de Grao Superior:**
 - Organización: Comprende un só ciclo de 4 anos de duración.
 - Acceso: O acceso require ter o título de Bacharelato ou equivalente e superar unha proba específica para cada especialidade. Se non cumpres estes requisitos, podes acceder se superas unha proba extraordinaria que se celebra no mes de xuño para maiores de 16 anos sobre algunhas materias de bacharelato.
 - Titulación: Título de Grao en Ensinanzas Artísticas Superiores de Danza.
 - Nota: En Galicia non ofertan o Grao Superior pero hai becas para estudar noutras comunidades.

Especialidades:

- GRAO MEDIO: Danza clásica, Danza Española e Danza Contemporánea.
- GRAO SUPERIOR: Pedagogía da Danza, Coreografía e Técnicas de interpretación da Danza.

8.5. ARTE DRAMÁTICA:

Organización e titulación: Estas ensinanzas constitúen un ciclo único de catro cursos, cunha titulación final equivalente a Graduado Universitario: Título de Grado en Ensinanzas Artísticas Superiores de Arte Dramático.

Estrutúranse en tres especialidades: Dirección de escena e dramaturxia, Escenografía e Interpretación. Á súa vez, cada unha destas especialidades está dividida nos seguintes itinerarios:

Especialidade	Opcións
Dirección de escena e dramaturxia	Dirección de escena Dramaturxia
Escenografía	Escenografía
Interpretación	Interpretación textual Interpretación xestual Interpretación con obxectos

Acceso: Para o acceso hai que estar en posesión do título de Bacharelato ou titulación equivalente e superar unha proba específica para cada especialidade. Se non tes o título de Bacharelato, con 18 anos cumpridos, pódese acceder mediante proba de aptitudes en xuño sobre materias de Bacharelato (ademais da proba específica).

A **proba de acceso específica** para cada especialidade consta de varias probas prácticas diferentes segundo a especialidade á que se queira acceder.

8.6. AS ENSINANZAS PROFESIONAIS DE ARTES PLÁSTICAS E DESEÑO

Que son as ensinanzas de Artes Plásticas e Deseño?

Comprenden estudos relacionados coas artes aplicadas, oficios artísticos, diversas modalidades de deseño e conservación e restauración de bens culturais. As ensinanzas profesionais organízanse en ciclos de formación específica que incluírán fases de formación práctica en empresas, estudos e talleres.

Os centros nos que se imparten estas ensinanzas son as escolas de artes plásticas e deseño, que en Galicia, se atopan en A Coruña, Santiago, Lugo, Ourense, Pontevedra e Vigo (estas últimas de titularidade privada).

Como se organizan?

1. Ciclos Formativos de Grao Medio

Accédese co **título de ESO ou Bacharelato** e coa superación da **proba específica** que consiste en exercicios por escrito sobre os coñecementos de artes plásticas, histórico-artísticos e debuxo. Co **Bacharelato de Artes o acceso é directo sen** necesidade de facer a **proba**.

Se **non tes** o título da **ESO, pero tes 17 anos**, podes acceder coa superación (ademais da proba específica) dunha **proba de madurez** que atende aos contidos xerais da ESO e consta de 2 partes:

- 1ª parte: Contidos de lingua castelá, lingua galega, científicos-tecnolóxicos e socioculturais (hai que escoller tres materias).
- 2ª parte: Educación plástica e visual.

A proba de madurez pode ser validada pola proba de acceso a ciclos de grao medio.

A proba específica pode ser validada polo bacharelato de artes ou pola experiencia laboral dun ano directamente relacionada co ciclo ao que se quere acceder. A inscrición nas probas é en xuño e os exames son en setembro.

Obtense o título de Técnico en Artes Plásticas e Deseño, na especialidade correspondente, que permite o acceso a calquera das modalidades de Bacharelato e aos ciclos superiores de Artes Plásticas e Deseño e de formación profesional.

2. Ciclos Formativos de Grao Superior:

Accédese, **directamente** sen ter que superar ningunha proba, co **título do Bacharelato en artes ou ter un título de técnico en artes plásticas e deseño.**

De non ter o Bacharelato de artes, pódese acceder **con outra modalidade de Bacharelato ou cun título de técnico ou técnica en formación profesional** e coa superación dunha **proba específica** relacionada con debuxo, artes plásticas e coñecementos histórico-artísticos.

De non ter superado ningún Bacharelato, pódese acceder mediante a superación dunha proba de madurez, se tes 19 anos. Dita proba ten 2 partes:

- 1ª parte: Proba de materias comúns de Bacharelato (Lingua Castelá e Literatura, Lingua Galega e Literatura, Lingua Estranxeira (Inglés ou Francés), Hª de España, Filosofía. Hai que escoller tres materias.
- 2ª partes: Proba de Historia da Arte.

A proba de madurez pode ser validada pola proba de acceso a ciclos superiores (parte común).

A proba específica pode ser validada con algunhas titulacións relacionadas e pola experiencia laboral dun ano directamente relacionada co ciclo ao que se quere acceder.

Obtense o título de Técnico Superior que dá acceso titulacións universitarias e aos estudos superiores de Artes Plásticas, Deseño e Conservación e restauración de bens culturais (explicados máis adiante).

A inscrición nas probas é en xuño e os exames son en xuño e xullo.

FAMILIAS PROFESIONAIS

Dentro de cada familia ofértanse Ciclos de Grao Medio e de Grao Superior. A continuación preséntanse as familias que existen:

- Escultura
- Deseño de Interiores
- Xoiería Artística
- Artes Aplicadas ao Libro
- Cerámica Artística
- Comunicación Gráfica e Audiovisual

Onde estudar estes ciclos?

Existen escolas de artes públicas nas seguintes cidades de Galicia: A Coruña, Santiago, Ourense, Lugo. En Vigo hai Escola Municipal de Artes e Oficios (con ensinanzas non regradas): Impártese nos seguintes centros:

	Escola de arte Mestre Mateo (Santiago)	Escola de arte Pablo Picasso(A Coruña)	Escola de arte Ramón Falcón (Lugo)	Escola de arte Antonio Faílde (Ourense)
Ciclos das familias de artes plásticas e deseño	GM Procedementos de Xoiería artística GS Arquitectura Efémera GS Técnicas Escultóricas GS Fotografía GS Xoiería Artística Oferta modular GM: <ul style="list-style-type: none"> • Taller Xoiaría 1º • Taller Coaría 2º Oferta modular GS: <ul style="list-style-type: none"> • Taller de Dourado e Prateado. • Taller de técnicas de restauración de dourado, prateado e policromía. 	GS Escultura aplicada ao espectáculo GS Fotografía GS Ilustración GS Dourado, prateado e policromía Oferta Modular: GS en técnicas escultóricas: <ul style="list-style-type: none"> • Taller de madeira 2º curso. GS en cerámica artística: <ul style="list-style-type: none"> • Taller de cerámica 1º curso. • Taller de cerámica 2º curso. 	GM Serigrafía artística GS Gravado e técnicas de estampación GS Fotografía Oferta modular GS: <ul style="list-style-type: none"> • Taller de cerámica 1º curso. • Taller de cerámica 2º curso. 	GS Ebanistería Artística GS Fotografía GS Ilustración

Tamén existen outros centros privados que ofertan ditas ensinanzas nas cidades de Vigo e Pontevedra: CE ART AULA D en Pontevedra (Centro Privado), CE.ART TEX-MODA en Vigo (Centro Privado).

8.7. ESTUDOS SUPERIORES DE ARTES PLÁSTICAS E DESEÑO:

1. Conservación e Restauración de Bens Culturais

Trátase dun Grao que ten como obxectivo formar a profesionais que terán como responsabilidade velar polo bo estado do patrimonio artístico.

Pódese escoller entre 7 especialidades diferentes: Arqueoloxía, Pintura, Escultura, Documento gráfico, Bens Arqueolóxicos, Téxtiles, Mobiliario.

Obtense o Título de Graduado Universitario.

Pódese acceder directamente co Título Superior en Artes Plásticas e Deseño (para os cales se reserva un 20% das prazas). Se tes un título de Bacharelato ou equivalente terás que superar unha proba específica de acceso que se convoca anualmente en xuño nos centros onde se imparte o Grao. Para o alumnado que accede por proba resérvase o 80% das prazas. Para os que non posúan o título de Bacharelato ou equivalente, haberá unha proba de acceso para maiores de 18 anos, sobre as materias de Bacharelato, que se celebrará en xuño.

As partes da proba específica son:

- Comentario dun texto relacionado cos bens culturais.
- Debuxo a partir dun modelo real e inanimado.
- Traballo sobre a representación da cor.
- Traballo práctico sobre as aptitudes plásticas.

Existe en Galicia unha única Escola de Conservación e Restauración, que se atopa en **Pontevedra**, e imparte as especialidade de **escultura, pintura e arqueoloxía**.

2. Os Estudos Superiores de Deseño

Organización e titulación: Están encamiñados á formación de profesionais no mundo do deseño nas especialidades de Moda, Interiores, Produto e Gráfico.

Teñen unha duración de 4 anos. Obtense o Título de Graduado Universitario.

Impártese nos seguintes centros:

- Escola de arte **Mestre Mateo en Santiago**: Deseño de **moda**, Deseño de **produto**.
- Escola de arte **Pablo Picasso de A Coruña**: Deseño de **interiores**, Deseño **gráfico**.
- Escola de arte **Ramón Falcón de Lugo**: Deseño de **interiores**, Deseño **gráfico**.
- Escola de arte **Antonio Faílde de Ourense**: Deseño de **interiores**, Deseño **gráfico**.

Formas de acceso:

- Terán acceso directo os/as alumnos/as que teñan o título de Técnico Superior de Artes Plásticas e Deseño.
- Accederán mediante proba específica o alumnado que teña o título de bacharelato ou equivalente. A inscrición nesta proba é a comezos de xuño. Consta de dúas partes:

1ª parte: Durante un máximo de 2 horas, facer un comentario crítico a partir dun texto, imaxe ou material

2ª parte: Durante un máximo de 4 horas, realizar un debuxo mimético a man alzada, do natural ou a partir da documentación facilitada, dun modelo relacionado coa especialidade á que se aspira; e un debuxo a man alzada, coas técnicas dos estudos a que se aspira a cursar, co modelo do exercicio anterior.

Como continuación, sinálase, tamén se pode acceder a estes estudos sen o bacharelato ou equivalente, a través dunha proba para maiores de 18 anos.

ALUMNADO QUE NON TEN O TÍTULO DE BACHARELATO OU EQUIVALENTE:

Para o acceso aos estudos superiores de grao de Música, Danza, Arte Dramática, Conservación e Restauración de Bens Culturais e Deseño, o alumnado que non teña o título de Bacharelato, e cumpra 18 anos (16 no caso de Música ou Danza), poderá realizar unha proba de acceso en xuño, ademais das probas específicas de cada especialidade. Esta proba consistirá en realizar exercicios das seguintes materias de bacharelato: Lingua Estranxeira (Inglés ou Francés), Lingua Galega e Literatura, Lingua Castelá e Literatura, Filosofía, e Historia de España.

8.8. ENSINANZAS DE IDIOMAS:

En que consisten?

O estudo dos idiomas pode realizarse a través Dun grao universitario ou nas Escolas Oficiais de Idiomas. Estas últimas son centros especializados no ensino dos idiomas.

Para acceder é condición indispensable ter 16 anos ou 14 no caso de estudar un idioma diferente do estudado en ESO.

Como se organizan?

- **Nivel básico 1:** Coa finalidade de usar o idioma para realizar interaccións sinxelas a nivel de principiante. Terá como referencia o nivel A1 do Consello de Europa.
- **Nivel básico 2:** Coa finalidade de usar o idioma a nivel cotián. Terá como referencia o nivel A2 do Consello de Europa. O certificado acreditativo permite acceder ao nivel intermedio.

- **Nivel intermedio:** Coa finalidade de usar o idioma en situacións específicas. Terá como referencia o nivel B1 do Consello de Europa. O certificado acreditativo permite acceder ao nivel avanzado.
- **Nivel avanzado:** Coa finalidade de conseguir o dominio do idioma oral e escrito a nivel xeral e específico. Terá como referencia o nivel B2 do Consello de Europa.
- **Nivel especialización C1:** Con este nivel os estudantes poden desenvolverse de xeito independente e con gran precisión nunha ampla variedade de situacións e en calquera circunstancia, sen ningunha preparación previa. Permite autonomía completa no uso do idioma.
- **Nivel especialización C2:** Significa ser bilingüe, esencialmente un nivel nativo. Permite a lectura e a escritura de calquera tipo e sobre calquera tema, a expresión de opinións, emocións con matices e participación activa en calquera entorno profesional e académico.

O título da ESO habilitará para acceder directamente aos estudos do 2º curso do idioma do nivel básico da primeira lingua estranxeira cursada na ESO (A2). O Bacharelato habilitará para acceder directamente aos estudos do 1º curso do idioma do nivel intermedio da primeira lingua estranxeira cursada no Bacharelato (B1).

Por outra banda, o alumnado que acredite o dominio de competencias suficientes nun idioma poderá incorporarse a calquera curso trala superación da proba de nivel.

O horario consta de catro horas semanais divididas normalmente en dous días.

Tamén podes cursar estas ensinanzas nas seguintes modalidades:

- **Oficial presencial:** Acudindo ás clases presenciais e cunha avaliación cuatrimestral.
- **Oficial semipresencial:** Mesturando clases presenciais e online.
- **Libre:** Preparando o idioma por libre e presentándote ás probas libres de obtención do certificado de determinado nivel.
- **Oficial a distancia:** A través do programa That's English podes seguir as clases a distancia e ser axudado nunhas titorías para practicar a parte oral na escola oficial na que te matricules. Nas escolas podes mercar o material necesario para preparar o curso.

Que idiomas e onde os podo estudar?

Nas EOI podes estudar ata 11 idiomas: Alemán, Inglés, Portugués, Francés, Italiano, Árabe, Galego, Ruso, Chinés, Xaponés e Español para estranxeiros.

Existen cursos de linguaxe administrativa e xurídica galega e CELGA.

Hai EOI en diversas vilas e cidades de toda Galicia.

Terás que consultar nas súas páxinas web para saber que idiomas se ofertan en cada unha, xa que non todas ofertan as 11 linguas.

En Ferrol podes cursar: Alemán, Español como lingua estranxeira, Francés, Galego, Inglés, Italiano, Portugués e os certificados de lingua galega LAG e CELGA.

Que saídas laborais teñen?

Os certificados que se obteñen teñen un recoñecido prestixio e téñense en conta en baremos para a concesión de bolsas, intercambios, determinados empregos. Ademais cada curso equivale a créditos de libre elección nas titulacións universitarias galegas.

8.9. ENSINANZAS TÉCNICO-DEPORTIVAS:

Cal é a finalidade?

Teñen como finalidade a formación de adestradores, monitores e técnicos deportivos nunha modalidade ou especialidade deportiva.

Como se organizan?

- **Grao Medio:** Co que se obtén o título de Técnico Deportivo nunha especialidade deportiva.

Este grao comprende dous niveis:

- 1º Nivel: Ten unha duración de máximo 1100 horas. Ensínase a iniciación técnica e táctica para programar, adestrar nunha fase inicial ou acompañar aos xogadores/as ás competicións, participar na organización de competicións e actividades e colaborar como auxiliar dun adestrador de nivel Superior.
- 2º Nivel: Ten unha duración de máximo 1100 horas (é diferente en cada especialidade). Ensínase o perfeccionamento técnico e táctico para programar, dirixir adestramentos, dirixir a deportistas e equipos, participar no desenvolvemento de competicións e colaborar como auxiliar dun técnico Superior.

O título de técnico dará acceso a calquera das modalidades de bacharelato.

- **Grao Superior:** Co que se obtén o título de Técnico Superior nunha especialidade deportiva. Ten unha duración de máximo 1100 horas. Capacita para dirixir e coordinar a técnicos deportivos, planificar e dirixir o adestramento dos deportistas e equipos de alta competición, xestionar escolas deportivas...

O título de Técnico Superior dará acceso directo aos estudos universitarios.

Que títulos se obteñen?

Existen títulos tanto de Técnico como de Técnico Superior nas seguintes especialidades: Fútbol, Fútbol sala, Deportes de inverno (esquí alpino, esquí de fondo e snowboard), Atletismo, Balonmán, Baloncesto, Mergullo Deportivo con EA, Hípica, Vela, Salvamento e Socorrismo, Judo e Defensa Persoal, Piragüismo.

Requisitos de acceso:

- **Grao Medio, 1º nivel:** Título da ESO (tanto por ensinanzas académicas como aplicadas) + proba específica da modalidade deportiva á que opta. Para os que non teñan a ESO pero teñan 17 anos cumpridos no ano de realización das probas,

poden acceder coas superación dunha proba de madureza. A proba de madureza pode ser convalidable pola proba de acceso a Ciclos Medios de FP.

- **Grao Medio, 2º nivel:** Ter superado o 1º nivel.
- **Grao Superior:** Título de Bacharelato ou equivalente ou certificado acreditativo de ter superadas todas as materias de bacharelato + Título de Grao Medio (Técnico Deportivo) na correspondente modalidade. Para algunhas especialidades hai que acreditar méritos deportivos. Para os que non teñan o título de bacharel poden acceder se superan unha proba de madureza e teñan 18 anos. Esta proba pode ser convalidable pola parte común da proba de acceso a Ciclo Superior de FP.

Calendario a ter en conta:

En cursos anteriores os prazos foron ao redor das seguintes datas:

- **Inscripción nas probas**
- **Realización das probas:** Ao longo dos meses de maio e xuño as probas substitutivas e xullo as probas deportivas.
- **Matrícula nas ensinanzas:** Xullo.

Postos de traballo:

Pódeste dedicar ao adestramento a equipos, deportistas, dirixir actividades no campo da saúde e do turismo deportivo.

Acceso a outras ensinanzas:

- O título de Técnico Deportivo da acceso a calquera modalidade de Bacharelato.
- O título de Técnico Deportivo Superior permitirá o acceso a estudos universitarios de Grao Previa superación dos procedementos de admisión.

CENTROS PÚBLICOS EN GALICIA

PROVINCIA	CENTRO	ENSINANZA
A Coruña	IES Universidade Laboral	TD e TDS Fútbol
Lugo	IES Nosa Señora dos Ollos Grandes	TD e TDS Atletismo
Lugo	IES Río Cabe	TD e TDS Fútbol
Ourense	CIFP A Farixa	TD e TDS Fútbol Sala
Pontevedra	IES Sánchez Cantón	TD e TDS Fútbol TD e TDS Balonmán
Pontevedra	IES Fermín Bouza Brey	TD e TDS Baloncesto TD Vela con aparello fixo e aparello libre

Pontevedra	IES As Barxas	TD e TDS Atletismo
------------	---------------	--------------------

Outros centros con oferta de ciclos deportivos públicos e privados:

https://www.edu.xunta.gal/portal/sites/web/files/oferta_20_de_novembro_24.pdf

9. ENSINANZAS PARA PERSOAS ADULTAS

<http://www.edu.xunta.gal/portal/ea>

En que consisten?

Trátase dunha formación pública e gratuíta dirixida a calquera persoa que teña cumpridos os 18 anos e que abandonou o sistema educativo sen obter a titulación básica.

Estas ensinanzas organízanse de xeito algo diferente, tanto nas áreas impartidas como no horario. A titulación acadada é a mesma que nas ensinanzas ordinarias.

Tanto as ensinanzas de Educación Secundaria como de Bacharelato poden ser presenciais ou a distancia.

Que tipo de ofertas hai?

1. **Ensinanzas básicas iniciais de nivel I:** Dirixidas a persoas que necesiten adquirir técnicas básicas de lectura, escritura e cálculo. A matrícula está aberta durante todo o curso escolar.
2. **Ensinanzas básicas iniciais de nivel II:** Dirixidas a persoas sen titulación que desexen acceder á educación secundaria de adultos. Esta formación é equivalente á educación primaria. A matrícula está aberta durante todo o curso escolar.
3. **Educación secundaria de adultos: Ensinanzas conducentes á obtención do título de graduado en educación secundaria obrigatoria (niveis I e II):** Dirixidas a persoas sen titulación que desexen obter o título de graduado en educación secundaria. Neste caso autorízase a matrícula a alumnos menores de 18 anos, en casos excepcionais, como ter un contrato laboral, ser deportista de alto rendemento. Son as ensinanzas coñecidas como a **ESA**.
4. **Bacharelato para persoas adultas:** Dirixidas ás persoas que teñan co título da ESO ou ESA, e que desexen adquirir novos coñecementos nunha determinada materia ou obter o título de bacharel en calquera das modalidades.
5. **Ciclos formativos para persoas adultas:** Esta formación pretende facilitar ás persoas adultas a súa actualización, adquirindo novos coñecementos nunha determinada competencia profesional, ou para obter o título de Técnico ou Técnico Superior.
6. **Aulas Mentor:** Cursos impartidos a distancia orientados a mellorar a capacitación profesional e a formación cultural das persoas adultas.

7. **Galego e Castelán para persoas inmigrantes:** Dirixido a cidadáns doutros países, residentes na Comunidade Autónoma de Galicia, que necesiten coñecer as linguas oficiais. Estas ensinanzas impártense nos centros de adultos, en grupos reducidos, cunha duración de 10 períodos lectivos semanais distribuídos en horarios adaptados ás posibilidades de asistencia dos/as alumnos/as.

8. **Probas para a obtención de títulos.**

9.2. A EDUCACIÓN SECUNDARIA DE ADULTOS (ESA)

Como se organiza?

Estas ensinanzas son equivalentes ás da ESO.

As materias organízanse en tres ámbitos de coñecemento:

- 1º **Sociedade:** Inclúe contidos de Xeografía e Historia, Economía, Iniciación á Actividade Emprendedora e Empresarial e os aspectos preceptivos correspondentes ás materias de Educación Plástica e Visual e Audiovisual e Música.
- 2º **Comunicación:** Lingua Galega e Literatura, Lingua Castelá e Literatura, 1ª Lingua Estranxeira.
- 3º **Científico- Tecnolóxico:** Inclúe contidos de Bioloxía e Xeoloxía, Física e Química, Matemáticas, Matemáticas Orientadas ás Ensinanzas Académicas, Matemáticas Orientadas ás Ensinanzas Aplicadas, Tecnoloxía, Tecnoloxías da Información e da Comunicación e os aspectos relacionados coa saúde e co medio natural da materia de Educación Física.

Que duración ten?

Xeralmente duran 2 cursos académicos.

En cada curso pódense cursar dous módulos cunha duración cuatrimestral. Cada módulo correspóndese cun curso de ESO, quedando do seguinte xeito:

No 1º ano impártese: Módulo 1 (1º ESO) e módulo 2 (2º ESO)

No 2º ano impártese: Módulo 3 (3º ESO) e módulo 4 (4º ESO)

Poderás permanecer cursando estas ensinanzas o tempo que o teu ritmo de aprendizaxe o precise. Non hai límite de tempo.

Cales son os requisitos de acceso?

Hai que cumprir un dos seguintes requisitos académicos:

- Por superación do módulo anterior.
- Por validación de estudos anteriores (ver táboa de equivalencias).
- No caso de non poder acreditar estudos anteriores, haberá que superar unha proba de avaliación inicial (en setembro ou xaneiro), e segundo o nivel de coñecementos adscribírase a un módulo ou a outro.

Cales son as validacións e correspondencias coas materias da ESO?

Primeiro curso de educación secundaria obrigatoria	Módulo 1 de educación secundaria obrigatoria para persoas adultas
Materias	Ámbito de coñecemento
Matemáticas, Bioloxía e Xeoloxía.	Científico-tecnolóxico
Lingua Galega e Literatura, Lingua Castelá e Literatura e Primeira ou Segunda Lingua Estranxeira.	Comunicación
Xeografía e Historia.	Sociedade
Segundo curso de educación secundaria obrigatoria	Módulo 2 de educación secundaria obrigatoria para persoas adultas
Materias	Ámbito de coñecemento
Matemáticas, Física e Química e Tecnoloxía.	Científico-tecnolóxico
Lingua Galega e Literatura, Lingua Castelá e Literatura e Primeira ou Segunda Lingua Estranxeira.	Comunicación
Xeografía e Historia.	Sociedade
Terceiro curso de educación secundaria obrigatoria	Módulo 3 de educación secundaria obrigatoria para persoas adultas
Materias	Ámbito de coñecemento
Matemáticas Orientadas ás Ensinanzas Académicas ou Matemáticas Orientadas ás Ensinanzas Aplicadas, Bioloxía e Xeoloxía, Física e Química e Tecnoloxía.	Científico-tecnolóxico
Lingua Galega e Literatura, Lingua Castelá e Literatura e Primeira ou Segunda Lingua Estranxeira.	Comunicación
Xeografía e Historia.	Sociedade
Cuarto curso de educación secundaria obrigatoria	Módulo 4 de educación secundaria obrigatoria para persoas adultas
Materias	Ámbito de coñecemento
Matemáticas Orientadas ás Ensinanzas Académicas ou Matemáticas Orientadas ás Ensinanzas Aplicadas, Bioloxía e Xeoloxía, Física e Química e Tecnoloxía. (No caso de non ter cursado algunha das seguintes materias deberá ter superada a materia do terceiro curso).	Científico-tecnolóxico
Lingua Galega e Literatura, Lingua Castelá e Literatura e Primeira ou Segunda Lingua Estranxeira.	Comunicación
Xeografía e Historia.	Sociedade

Cales son os requisitos de idade?

No primeiro cuadrimestre (que se imparte de setembro a xaneiro), poden matricularse todas as persoas que cumpran 18 anos ata o 31 de decembro. **No segundo cuadrimestre** (que se imparte de febreiro a xuño), poden matricularse os que cumpran dezaoto anos ata o 30 de abril.

Excepcionalmente poden matricularse as persoas que teñen cumpridos 16 anos que xustifiquen documentalmente algunha destas circunstancias:

- Ter un contrato laboral en vigor que non permita asistir aos centros en réxime ordinario.
- Ser deportista de alto rendemento.

- Que existan causas excepcionais que lle impidan acceder ao réxima ordinario.

Que horario teñen estas ensinanzas?

Terás ao redor de 20 horas semanais de clase, que normalmente se imparten en horario de tarde.

Na modalidade semipresencial é obrigatoria a asistencia ás titorías de cada ámbito (unha hora semanal para o ámbito social, dúas sesións lectivas para o ámbito da comunicación e outras dúas para o ámbito científico- tecnolóxico).

A modalidade a distancia con titorías telemáticas non supón a asistencia á titorías presenciais. A comunicación cos/as titores/as é a través da *Aula Virtual do IES San Clemente*.

Onde se ofertan estas ensinanzas?

Podes consultar a oferta de centros en Galicia na seguinte páxina:

<http://www.edu.xunta.gal/portal/ea/onde-estudar>

A modalidade presencial pode cursarse nos seguintes centros da zona de Ferrolterra: EPA Santa María de Caranza (Ferrol).

A modalidade a distancia telemática impártese no IES San Clemente (Santiago de Compostela), no IES Rosalía de Castro (Santiago de Compostela), no IES Eusebio da Guarda (A Coruña), na EPA Eduardo Pondal e no EPA Santa María de Caranza (Ferrol) entre outros.

9.3. O BACHARELATO PARA PERSOAS ADULTAS

Como se organizan estas ensinanzas?

Ofértanse dúas modalidades de Bacharelato: Ciencias e Tecnoloxía, Humanidades e Ciencias Sociais.

Poden seguirse como curso completo ou por materias de xeito independente.

Se optas por seguir materias de xeito independente poderán cursarse, simultaneamente materias do 1º e 2º curso.

Se che interesa algunha materia que non ofertan no teu centro presencial, podes matricularte simultaneamente de dita materia nun centro con oferta a distancia.

Na modalidade semipresencial, esíxese a asistencia obrigatoria ás titorías de cada materia (unha hora semanal por cada materia que se curse).

A modalidade a distancia con titorías telemáticas non supón a asistencia a titorías presenciais. A comunicación cos titores é a través da *Aula Virtual do IES San Clemente* e os exames poden realizarse nas sete principais cidades galegas: Santiago de Compostela, A Coruña, Ferrol, Lugo, Ourense, Pontevedra e Vigo.

Canto duran?

O tempo de permanencia para cursar estas ensinanzas no réxime presencial é de 6 anos académicos (o tempo de permanencia no Bacharelato ordinario é de 4 anos).

No caso de esgotar os 6 anos sen acadar os obxectivos previstos, os/as alumnos/as poderán seguir cursando as materias pendentes a través do réxime de ensinanza a distancia ata completar a formación desexada.

Cales son os requisitos de acceso?

Para acceder debes estar nalgunha das seguintes condicións:

- Posuír o título de graduado en educación secundaria.
- Posuír o título de técnico deportivo ou técnico en grao medio.

Onde se ofertan estes estudos?

- a) A modalidade presencial ofértase en moitos centros EPA e IES autorizados, polo que deberás consultar a web ou preguntar no Departamento de Orientación. Na zona de Ferrol o centro que oferta dita modalidade é o IES Concepción Arenal.
- b) A modalidade semipresencial pódese cursar en diferentes centros (consultar https://www.edu.xunta.gal/portal/sites/web/files/rede_centros_22_23.pdf).
- c) A modalidade a distancia telemática impártese no IES San Clemente (Santiago de Compostela).

9.4. AULAS MENTOR**Que son e a quen van dirixidas?**

Ensinanzas non regradas para persoas adultas, abertas, flexibles e a distancia, con titoría telemática a través de internet. Esta oferta formativa permite actualizar o perfil profesional, potenciar o acceso ao emprego e aumentar a formación básica. Están dirixidos a persoas maiores de 18 anos que desexen formarse para acceder a un posto de traballo ou aumentar o seu nivel cultural. Non se require titulación previa.

Como se organizan e que acreditación se acada?

As aulas onde se realizan as actividades de formación dispoñen de recursos tecnolóxicos avanzados, así como de un profesor-administrador que axuda aos alumnos nas súas conexións á rede e na comunicación co seu titor. O/A alumno/a recibe unha conta de conexión gratuíta a internet e non necesita asistir á aula, excepto para realizar a proba final presencial. Os cursos poden iniciarse calquera día do ano escolar e cada alumno segue o seu propio ritmo de aprendizaxe. O/a titor/a non está na aula. Comunícase co alumno por correo electrónico e contesta en 24 horas a todas as dúbidas.

Ao superar o curso, o/a alumno/a recibe unha certificación de aproveitamento emitida pola Consellería de Educación e Ordenación Universitaria e o Ministerio de Educación.

Podes atopar un aula Mentor no centro EPA Santa María de Caranza en Ferrol (A Coruña). Pregunta no teu departamento de orientación a oferta de Aulas Mentor en Galicia.

9.5. AS ENSEINANZAS DE ADULTOS NA MODALIDADE SEMIPRESENCIAL E A DISTANCIA

En que consisten?

Son as ensinanzas de adultos que permiten realizar os estudos na casa sen a necesidade de acudir diariamente a un centro educativo.

Dispónse de axuda ou de apoio a través de titorías individuais e colectivas, nas que aconsellan e orientan nas dificultades atopadas.

Esixen un grao de responsabilidade e organización maior que nas ensinanzas presenciais, e aínda así, teñen o risco de abandono, por non ter que acudir diariamente ao centro.

Estas ensinanzas son gratuítas. Solo hai que mercar o material didáctico (textos, guías...) e ter conexión a internet.

Que oferta hai?

Como xa se sinalou anteriormente:

- II Nivel das Ensinanzas básicas iniciais.
- ESA
- Bacharelato
- Ciclos formativos de formación profesional.
- Ensinanza oficial do idioma do inglés.

9.6. OFERTA DE ENSEINANZAS DE ADULTOS NA ZONA DE FERROL

EPA de Santa María de Caranza (Ferrol)

- Ensinanzas básicas iniciais.
- Educación secundaria para persoas adultas (presencial).
- Educación secundaria para persoas adultas (semipresencial).
- Bacharelato semipresencial.
- Castelán e galego para inmigrantes.
- Aula Mentor.

IES Concepción Arenal:

- Bacharelato.

9.7. PROBAS LIBRES PARA A OBTENCIÓN DO TÍTULO DE EDUCACIÓN SECUNDARIA

<https://www.edu.xunta.gal/portal/node/38876>

En que consisten?

Se non conseguiches o Título de Educación Secundaria pola vía ordinaria ou por adultos, podes acadalo superando unha proba que se convoca anualmente, no mes de maio e setembro.

Que requisitos hai que cumprir?

Deberás ter cumpridos os 18 anos antes da celebración da proba e ademais non posuír o título de ESO ou superior.

Que trámites teño que realizar?

Deberás entregar unha solicitude de matrícula para a proba, e unha certificación de áreas superadas de 4º de ESO (se é que tes algunha superada), nos IES que a administración autorice.

Unha vez matriculado deberás estar pendente das datas, horarios e centros onde se realicen os exames.

No ano 2023 a convocatoria para os exames en marzo os exames de maio e en xullo para setembro.

En que consisten os exames?

- **Ámbito social:** Inclúe contidos de Xeografía e Historia, Economía, Iniciación á Actividade Emprendedora e Empresarial e os aspectos preceptivos correspondentes ás materias de Educación Plástica e Visual e Audiovisual e Música.
- **Ámbito da comunicación:** Lingua Galega e Literatura, Lingua Castelá e Literatura, 1ª Lingua Estranxeira.
- **Ámbito científico- tecnolóxico:** Inclúe contidos de Bioloxía e Xeoloxía, Física e Química, Matemáticas, Tecnoloxía, e os aspectos relacionados coa saúde e co medio natural da materia de Educación Física.

Cantas veces me poden presentar ás probas?

Todas as veces que o desexes, tanto na convocatoria de xuño como na de setembro.

Se superas algunha área, resérvase a nota, de xeito que non terás que volver a examinarte das áreas superadas.

Tamén debes saber que se tes superado algún grupo de áreas de 4º de ESO, quedarás libre de examinarte nese grupo, tal e como se sinala a continuación:

GRUPO LINGÜÍSTICO	Lingua Galega e Literatura
	Lingua Castelá e Literatura
	Lingua Estranxeira
GRUPO CIENTÍFICO-TECNOLÓXICO (no caso de non ter cursado algunha das seguintes materias deberá ter superada a materia do terceiro curso)	Matemáticas
	Tecnoloxía
	Física e química
	Bioloxía e Xeoloxía
GRUPO DE CIENCIAS SOCIAIS	Xeografía e Historia

E despois das proba?

Se a superas serás proposto/a para a expedición do Título de Educación Secundaria Obligatoria no centro onde realizaras as probas, e por suposto terás acceso directo a Ciclos formativos de Grao Medio e calquera modalidade de Bacharelato.

10. PRAZOS XERAIS DE INSCRICIÓN E MATRÍCULA

***As datas son aproximadas. Debes consultar no teu centro ou no centro no que queres pedir a praza as datas exactas.**

10.1. PROBAS DE ACCESO A CICLOS MEDIOS

- **Inscrición:** En febreiro-marzo. Podes recoller o impreso vía web <http://www.edu.xunta.es/fp/acceso-grao-medio> e entregalo na Secretaría do centro de inscrición (centro que oferte ciclos de FP) ou vía web.

10.2. BACHARELATO

- **Reserva de praza para cursar bacharelato no centro ao que estás adscrito/a:**
En febreiro. Impreso a recoller e entregar en Secretaría
- **Solicitud de praza noutros centros:**
En marzo. Entregar o impreso na Secretaría do centro elixido en primeiro lugar.
- **Matrícula:**
 - Ordinaria: Finais de xuño e primeira quincena de xullo

10.3. CICLOS DE FORMACIÓN PROFESIONAL ESPECÍFICA

- **Inscrición para ciclos medios e superiores:** Finais de xuño e principios de xullo
Podes atopar as instrucións e impresos de admisión na web:
<https://www.edu.xunta.es/ciclosadmission/>
- **Matrícula:**
 - Ordinaria: A partir de mediados de xullo haberá 2 adxudicacións con 3 ou 4 días para matricularse a partir do día en que se é admitido/a.
 - Extraordinaria: En setembro haberá dúas adxudicacións con 3 ou 4 días para matricularse a partir do día en que se é admitido/a.

10.4. FORMACIÓN PROFESIONAL BÁSICA

- **Solicitud de praza:** Xuño.
- **Matrícula:** Xullo.

10.5. ESA PRESENCIAL

- **Inscrición:** Primeira quincena de xuño
- **Matrícula:** 1º cuadrimestre: Primeira semana de setembro. 2º cuadrimestre: Segunda semana de xaneiro.

10.6. ESA A DISTANCIA

- **Matrícula:** 1º cuatrimestre: Dende comezos de setembro ata mediados de xaneiro.
2º cuatrimestre: Dende principios de febreiro ata finais de abril.

11. PÁXINAS DE INFORMACIÓN E BIBLIOGRAFÍA

O caderno foi realizado en base aos cadernos de orientación de Mónica Diz:
<https://monicadizorienta.blogspot.com/p/orientacion-academica-y-profesional.html>

Consultáronse as seguintes páxinas de interese:

- Consellería de Educación: <http://www.edu.xunta.gal/portal/>
- Consellería de Educación. FP en Galicia: <http://www.edu.xunta.es/fp/>
- Consellería de Educación. Ensinanzas de réxime especial e adultos: <https://www.edu.xunta.gal/portal/es/eea>
- Comisión Interuniversitaria de Galicia (CIUG): <http://ciug.gal/>
- Ministerio de Educación e Ciencia (é interesante para consultar as becas): <https://www.educacionyfp.gob.es/>
- Ministerio de Educación e Ciencia. Universidades en España: <http://www.educacionyfp.gob.es/contenidos/estudiantes/enseanzas-universitarias.html>
- Ministerio de Educación e Ciencia. FP en España: <http://www.todofp.es/inicio.html>
- Universidade de A Coruña: <https://www.udc.es/>
 - https://www.udc.es/es/futuros_estudiantes/index.html
- Universidade de Santiago de Compostela: <http://www.usc.es/>
- Universidade de Vigo: <https://www.uvigo.gal/>

Correo do departamento de orientación IES Canido: claragoas@iescanido.org